

Wantok

Namba 513 — 31 Mas inap 7 Epril, 1984

25¢

Insait

Long Ol Arapeta Pas

- Moa Refuji Bai kalabus - pes 3
- Morobe Politik - pes 3
- Mani Bilong Yu - pes 22
- Ol Tisa I Les - pes 5
- Yabara Aut - pes 2

- Nius - pes 2, 3, 5
- Provins - pes 8
- COES - pes 10, 11, 18
- Rabaul Ripot - pes 9
- Spot - pes 14
- Meri - pes 19
- Pas - pes 20
- Biabia - pes 21
- Laiplain - pes 21
- Sande Lotu - pes 25
- Tumbuna - pes 26
- Wol Nius Poto - pes 28

OL BALUS KALAPIM BODA

Praim Minista Michael Somare i tokaut long Lae long Trinde apinun olsem Foren Afeas Minista Rabbie Namaliu i mas kibung hariap tasol wantaim wanwok bilong em long Indonesia, Dokta Mochtar Kusumaatmajda.

Somare i mekim dispela singaut bihain long tupela balus bilong pait i bin kam insait long PNG long hap bilong Wes Sepik na mekim planti manmeri i pret. Ol pipel bilong Grin Riva stesin i bilip olsem dispela tupela balus i bilong ami bilong Indonesia.

Ol i tok, dispela balus i flai daunbilo tru long het bilong ol diwai (200 o 300 fit antap long graun) na ol i bin harim sampela pairap olsem gan o bom i bin kam long wanpela bilong ol dispela balus.

Wanpela mausman bilong ol wokman long Vanimo i bin tokim Wantok Niuspepa olsem, "Ol meri na pikinini bilong ol kampani na gavman wokman long Grin Riva Stesin i ranawepinis na nau ol i stap long Dio viles, arere tasol long wara Sepik. Sapos pait i kamap, mipela laik putim ol long kanu na salim ol i go longwe long Vanimo."

"Dispela tupela balus i kam olsem long

hap bilong Indonesia, long sait bilong Vanimo nambis, go olsem long wara Sepik, kam long nupela ples balus bilong PNG Difens Fos long Vanimo, na flai antap long Grin Riva Stesin, bipo long em i pairap ol "gan" namel long stesin na maunten Yuri. Bihain ol i lus long hapsait boda bilong Indonesia."

Kirap nogut bilong ol pipel long boda bilong PNG na Indonesia long dispela tupela balus, na ol sip long solwara na stori bilong ol ranawe Wes Papua o Irian Jaya manmeri na pikinini i mekim Papua Niugini i strong tru nau long holim kwik wanpela strongpela kibung namel long

gavman bilong PNG na Indonesia.

Mista Somare i tok tu olsem, bihain tasol long kibung bilong tupela Minista Bilong Foren Afeas, bai i gat wnpela kibung bilong Difens Minista na Komanda Bilong Ami bilong tupela kantri wantaim, PNG na Indonesia.

Em i tok olsem, ol dispela kain pasin i kamap long boda i no liklik samting na bikpela ol kibung i ken helpim long stretim ol dispela wari.

Mista Somare i tok olsem, gavman bilong em i bin salim tok save pinis long gavman bilong Indonesia long Jakarta, long tokaut long ol dispela wari bilong PNG. Em i tok


tu olsem, bikos Indonesia na PNG i gat wanpela bodamak tasol, tupela kantri wantaim i mas holim dispela kibung hariap long stretim ol wari.

Lida bilong Oposisen, Mista Iambakey Okuk i mekim strongpela toktok egensim gavman bilong Somare long ol trabel i wok long kamap long Boda nau. Toktok bilong em long Trinde Mas 28, i tok kros long gavman i no putim olgeta tingting bilong en long traim painimaut tru wari bilong boda wantaim Indonesia Gavman na traim stapim ol dispela wari.

Mista Okuk i tok olsem, em i no klia long tingting bilong gavman bilong Somare. "Mi no save bilong wanem gavman bilong yumi i ken sindaun malologut long dispela taim, we planti samting i wok long pretim ol pipel bilong PNG long bodamak bilong PNG i go moa long pes 4

Kwin Bilong PNG Ya

Hia em Patricia Mirisa huqat i Mis PNG nau. Em i gat 19 krismas na i bilong Galp Provins. Em i seketeri bilong Ok Tedi Maining Kampani long Westen Provins. Na em i namba tri Mis Ok Tedi long kamap Mis PNG bihain long Moi Eli (1982) na Shannelle Bray (1983). Kas bilong Ok Tedi!



Hia em sampela hetmeri bilong Nesanel Kaunsil bilong meri long Mosbi i sanap bung wantaim tripela Saina meri. Dispela lain Saina meri i stap long deliget i kam long Saina na i helpim long givim sampela mani i go insait long K1.00 kempein bilong ol PNG meri.



Pop John Paul 2 bai stap wantaim man i makim em long Papua Niugini, Asbisop Francisco di Nittis, taim em i raun long Me. Piksa antap i soim haus bilong Asbisop bilong Pop long Korobosea. Planti man i save kolim dispela ples olsem "Air Niugini hil."

DU
740
AZ
W3
—
v.513

**NUT
ONUT
CONUT
COLATE**



Paradise

COOKIES

Planti Pipel Bai Kot

"MIPELA yet i asua na i no kisim ol pipel i go long kot long dispela mun." Kuskus bilong Madang Taun Kaunsil, Ephraim Wartovo i tok.

Mista Wartovo i tok olsem, Madang Taun Kaunsil i wet yet long kisim olsem moa long K70,000 long ol manmeri bilong taun.

Benny Bogg

Madang Taun Kaunsil i bin mekim bikipela tok save long Februari yet, olsem bai ol i kotim ol manmeri husat i no baim yet pe bilong graun ol i sindaun long en, na pe bilong pipia na baket pekpek.

Kuskus bilong Madang Taun Kaunsil,

"Sampela man i no bin baim graun ol i sindaun long en stat long tripela yia i go pinis" Mista Wartovo i tok.

Madang Taun Kaunsil i makim Mas 1 olsem taim bilong redim kot pepa bilong husat manmeri long Madang Taun i no bin

baim takis bilong oligo long taun kaunsil.

"Tasol man na masin bilong redim ripot bilong husat man i baim na husat i no baim takis, i wok long mekim wok isi yet. Olsem na mipela bai wetim inap pinis bilong dispela mun," Wartovo i tok.

Madang Taun Kaunsil i no marimari long husat i no baim takis bilong graun o pipia na baket pekpek. Mista Wartovo i tok olsem ol bai redi pepa long kotim ol dispela lain pipel. Planti bilong ol manmeri i pret long kot na ol i wok long kamap

nau long opis long givim mani bilong takis."

"Mipela i kisim mani bilong ol bikos em i rong bilong mipela yet long no redim pepa bilong kot kwik," Wartovo i tok.

Mista Wartovo i tok olsem em i no inap givim namba bilong ol manmeri husat i no bin baim takis bilong yia 1983 na tupela yia bipo. Em i tok planti manmeri tru i no baim yet na i luk olsem bikipela namba bilong ol manmeri long Madang Taun bai sanap long kot taim pepa i redi.



Samana



Ol pipel bilong Morobe Provins i no bin sindaun gut long 2-pela wik olgeta. Dispela em tingting bilong wanpela mausman bilong Morobe Provinsal Gavman.

Long Mas 18 spika bilong Morobe Provinsal Asembli i bin lus long solwara wantaim 3-pela wantok bilong em.

Long Mas 22 bikipela sik malaria i bin pundaunim primia bilong Provins, Mista Utula Samana. Ol dokta i tokim em long malolo na Mista Mabon i bin kisim ples bilong Mista Samana na wok olsem ekting primia.

Las Mas 23 Deputi Praim Minista Paias Wingti i bin kamap long Lae. Em i laik stap insait long Pangu Pati Konvesesen (miting). Bikos sik i bin bagarapim tru primia Samana em i makim seketeri bilong dipatmen bilong Morobe na provinsal helt minista bilong em long bungim Mista Wingti long ples balus. Mista Schweinfurt na Mista Merire i bin go bungim namba tu praime minista olsem Mista Samana i laikim ol long mekim.

Tulait i bruk long Mande Mas 26 na ol niuspepa i sutim tok olsem Primia bilong Morobe Provins i bin straik na em les long bungim Mista Wingti long ples balus. Ol i tok bai i gat strongpela sekyuriti long NEC miting em bai kamap long Lae.

Dok bilong smelim bom i kamap tu long Lae na wanpela raiot skwat i lusim pinis

Goroka bilong go long Lae.

Ripot long pepa i tok pipel bilong Lae i tingting long holim demonstresen. Ripot i tok plis bai no inap long larim wanpela grup long mas i go klostu long ples bilong kibung bilong NEC.

Mausman bilong Provinsal Gavman i bin tok ol pipel bilong Morobe Provins i no save mekim bom o planim bom insait long haus.

Em i tok, "Mipela i save olsem long wanpela hap ol VIP i go i mas i gat strongpela sekyuriti i stap."


"Dispela wik ol bikman bai bung long Lae olsem na i mas gat sekyuriti bilong ol. Long dispela as ol dok bilong smelim bom i kam na raiot skwat tu i sambai.

Provinsal Gavman i bin save tasol olsem bai i gat konvesesen bilong Pangu Pati. Nau mipela i harim tu olsem bai i gat NEC miting.

Pangu Gavman i makim taim stret. Taim bilong provinsal ileksen bilong mipela tu i kam klostu pinis. Na planti bilong ol minista husat bai i stap insait long kabinet miting iw ok long kempen strong long Pangu Pati nau.

I gat 4-pela nupela man bai resis wantaim Mista Gus Schweinfurt long winim laik bilong NEC na kisim posisen olsem sekretari bilong Dipatmen bilong Morobe. Morobe Provinsal Gavman i laikim Mista Schwenfurt long stap yet.

Ol narapela man i laik winim dispela wok em Jacob Kairi, Bernard Baloiloi, John Gius na Gabriel Buanam. Wanpela bilong ol dispela 4-pela man i bin kempein strong tru long Pangu long wikend. Ol narapela em ol strongpela sapota bilong Pangu tu.



Helpim Mi Plis

Dispela man long Peru, Saut Amerika i beten long taim wara Kanete i tait na bagarapim ol samting bilong em. Moa long 500 pipel i bin painim bagarap long ol haus bilong ol long dispela taim.

De Bilong Galp Meri

Ol meri bilong Galp Provins i mas traime long mekim samting bilong helpim ol yet na provins bilong ol.

Dispela tok i duim

Wantok Bingo Namba 4

No gat man i winim Wantok Bingo Resis Namba 4. Dispela wik Wantok Bingo Resis namba 5 bai kamap namba tu taim. Traim lak na sapos yu laki bai - K50 bilong yu tasol.

Ol laki namba bilong namba 4 resis em, 21, 19, 1, 16, 90. Wantok Bingo Resis namba 5 i stap long pes ...26

i kam long ol politisen bilong Galp, ekting primia, Mista Lemek Kum, Asisten Spika bilong Galp Provinsal Asembli, Mista Leo Kavaua na Provinsal Minista bilong Hom Afeas, Mista Kevin Gorne.

Ol lida ya i bin mekim dispela tok taim ol i opim ol kain kain samting i kam long de bilong meri long las Sarere. Dispela tripela lida i bin singaut long ol meri i lusim tingting bilong wanem bel hevi ol i gat na wok bung wantaim long stretim sindaun bilong meri insait long provins na provins yet.

Spika Mista Leo Kavaua i tokim ol meri olsem sapos i gat sampela meri i laik ranim sampela wok bilong ol na ol i painim hat ol narapela meri i mas helpim ol.

Dispela K1 kempein bilong ol meri insait long kantri i bin stat tu long Galp Provins long Sarere. Ekting Primia na sampela bik man bilong Galp Provins i bin statim dispela kempein taim ol i putim K1 bilong ol.

Presiden bilong Provinsal Kaunsil bilong meri long Galp Provins, Misis Janice Maravila i bin toktok tu long dispela bung. Em i askim gavman bilong Galp Provins long givim sampela moa mani i go long stretim wok bilong ol meri insait long Galp Provins.

Em i tok olsem dispela K2,000 em gavman bilong Galp i givim long ol meri long dispela yia em "pinat" tasol.

Ol arapela meri i

stap long ol ples longwe long Kerema i bin amamasim dispela de bilong ol long ol distrik senta bilong ol. Ol grup bilong meri i save stap klostu long Kerema, na wanpela grup bilong ol meri Katolik long Moveave viles insait long Malalaua Distrik i bin stap long dispela bikipela de bilong amamas long Kerema.

Ol mmeri i bin soim samting em ol i wokim long han bilong ol yet na i bin gat pilai, na danis i kamap tu. Long dispela de tu i bin gat wanpela bikipela toktok i kamap long wok bilong meri insait long Papua Niugini.

Maus meri bilong meri Katolik Mrs Elizabeth Bade i bin singaut long ol sios long lukluk gen long wok bilong ol meri insait long wan wan sios.



Moa Refuji Bai Kamap Long Kot

OL opisas bilong Foren Afeas na Tret long Vanimo i bin tok aut long Mande 26 Mas olsem, ol bai kalabusim ol nupela lain refuji liklik taim bihain, taim ol i pinis long kisim ol toktok bilong ol.

Klostu olsem 120 ol nupela refuji meri pikinini na ol man i bin kalapim bodamak long Fonde Mas 22. Long Sarere 5-pela i kamap long Vanimo na Sande, 8-pela moa i kam.

Ol opisa bilong Foren Afeas i ting olsem ol bai kalabusim ol man tasol na putim ol long kot.

Primia bilong Sandaun Provinsal Gavman, Andrew Komboni i no moa amamas long dispela tingting bilong Foren Afeas. Em i tok olgeta refuji nau husat i brukim bodamak i mas stap fri long provins bilong em.

Em i tok olsem ol dispela lain i no mas go long kot na ol arapela 73 husat i stap nau long kalabus i mas apil long loya bilong ol na kamapim gen toktok bilong larim ol i go fri.

Mista Komboni i tok tu olsem em i no amamas long ol tupela kain tingting em tupela majistret long Vanimo Distrik Kot Haus i bin mekim. Ol i bin kalabusim ol dispela 73 lain

refuji long Trinde 21 Mas. Na kot i larim ol arapela 38 refuji i go fri.

Em i tok, dispela kain pasin kot i mekim i no soim gutpela pasin long ol wanlain na meri pikinini bilong ol husat, i stap yet long kem. Dispela lain pasin i ken brukim Wes Irian long tupela hap gen. Ol dispela lain i kalabus nau, na ol lain husat i no kalabus.

Namba tu Seketeri bilong Helt insait long Wes Sepik Provins, Dokta Marcus Woibun i bin tokaut long Mande Mas 27 olsem, Vanimo Haus Sik i pulap tru nau long ol refuji na i givim hatpela taim tru long ol helt wokman long Vanimo. Dokta Woibun i tok, dispela wod long haus sik inap tasol long holim 40 sik manmeri. Tasol nau i gat 120 refuji i slip long dispela wod.

Planti bilong ol lain refuji i no gat sik, tasol ol i mas stap aninit long haus bilong stapim sik, (kwarrantin) inap 5-pela de.

Ol helt ekstensen opisa husat i stap wok fultaim wantaim ol refuji long lukautim sik na painim aut wanem kain sik ol i gat, i givim pinis ripot bilong ol i go long namba tu seketeri bilong Helt, na ol Foren Afeas opisa.

Ripot i tok olsem planti bilong ol refuji i no gat sik, tasol i gat liklik namba aninit long 10, em ol i gat sik numonia, malaria na beli pen, nasik bun nating (malnutrisen).

Namba tu seketeri Dokta Woibun i tok, haus sik tu i sot long kaikai, na tu ol toilet i bagarap pinis long kain kain pipia i pasim paip wara bilong pekpek. Ol helt wokman na meri i sotwin pinis long lukautim ol sikman

na giivm marasin.

Dokta Woibun i bin toktok pinis wantaim ol opisa bilong Foren Afeas long rausim ol sampela refuji husat i no gat sik, long go long kem bilong ol.

Man husat i bos long Foren Afeas long Vanimo, Lawrence Sapian i bin tok orait pinis olsem em bai putim ol dispela 101 manmeri na pikinini husat i no gat sik bai i go long Waraston refuji kem taim haus tent bilong ol i redi, ating long pinis bilong dispela wik.

Insait long refuji kem ol opisa bilong Foren Afeas, Haus Sik, Pablik Woks, na Plis i bin sotwin tru nau long klaim bus long kirapim ol nupela haus sel bilong ol dispela 120 nupela lain refuji husat i bin kam long Vanimo long tupela wik i go pinis.

Benny Bogg



K12,000 I No Pilai!

Mis Johnson Pamas em i kamap "Seriti Kwin" Helen Gaia i bin kamapim bikipela mani tru long olgeta long resis bilong ol meri long kamap Mis PNG. Em i bungim K12 tausen.

Yabara aut long kalabus

P a l a m e n mamba bilong Chuave Open, Mista Robert Yabara husat i kisim 4-ya na tri mun kalabus insait long Bomana Haus Kalabus klostu long Mosbi i kisim tok orait

bilong Nesenel Kot long baim K200 belmani na lusim haus kalabus.

Nesenel Kot long Mosbi i givim dispela tok orait long tunde, 27 Mas, 1984.

Yabara i mekim eplikesen i go long Ekting Jas, Mista Jastis

Kubulan Los long givim dispela tok orait. I no gat wanpela saveman bilong lo i helpim em long mekim dispela eplikesen long Nesenel Kot. Na Yabara bai kamap long Sprim Kot long Wai-gani liklik taim bihain long apil na egensim tok bilong Nesenel Kot

i givim em dispela 4-ya na tri mun kalabus.

Prosekuta bilong Gavman, Mista Ere Kariko i bin egensim tok orait bilong kot long larim Yabara i baim dispela K200 belmani na lusim kalabus. Long wanem i go moa long pes 4

Guria Bagarapim Karkar



TUPELA man i stap long Karkar haus sik nau bihain long ol i bin pundaun long haus bilong ol long 6 klok moning long Trinde Mas 28, taim bikipela guria i meknais long Karkar Ailan na ol ples long nambis bilong Madang Provins.

Planti teng wara bilong ol skul na ol pipel long stesin i bruk long taim guria i kamap. Wanpela haus i bruk, pundaun long graun na planti arapel ahaus i gat mak bilong bruk long banis bilong haus.

Planti hap bilong Karkar Ailan i gat mak bilong graun laik bruk na wanpela bikrot bilong ka i gat bikipela hul i kamap (6 mita brait na 6 mita long-pela) bihain long dispela guria.

Dispela em ripot

bilong wanpela save-man bilong lukluk long maunten paia na Guria long Mosbi, Dokta H. Letz. Em i tok olsem, dispela guria i stat long samting olsem 6 klok moning na i stap inap olsem 6 minit, 31.6 seken.

Em i tok, "Dispela em i bikipela guria long Madang provins, na masin bilong makim guria i soim pawa bilong guria em 6.5 long rikta skel.

Namba wan bikipela guria i kamap long Madang long 1971. PNG i pilim dispela guria na em i bikipela tru. Pawa bilong dispela guria i 7.1 long rikta skel. Na dispela guria bilong 1971 i bin kamapim bikipela guria tru long Madang Provins long dispela

taim.

Narapela ripot i kam long Karkar Ailan i tok olsem, 11-pela simen haus i bin pundaun na bruk pinis bihain long dispela guria na sampela klasrum tu i bagarap.

Madang Provinsal Gavman i salim pinis wanpela lain man long helikopta long lukluk na painimaut tru hamas bagarap i kamap long Karkar. Ol i ting planti moa bagarap i bin kamap tasol ol i no save yet.

Spika I Lus Yet

OL pipel i stap long nambis bilong Morobe, Wes Nu Briten, Noten na Milen Be Provins i mas was yet long lukim bodi bilong man o hap pipia bilong bot o moto i drip nabaut long solwara.

Kodineta bilong Nesenel Sets na Reskiu Operesen, Mista Edi

Kapigeno i no bin haitim pret bilong em na pret bilong planti man taim em i toktok long bodi bilong dai-man - na i no long wanpela dingi i drip. Long 6 klok apinun long Sande Mas 25, Mista Kapigeno i bin tokaut olsem olgeta wok painim bilong grup bilong em i pinis. Na em i tokaut tu olsem

4-pela man husat i lus long solwara bilong Finsafen stat long Mas 18 i no bin kamap ples kla. Nesenel Sets na Reskiu Senta i bin yusim 4-pela balus bilong painim dispela ol man i lus. Wanpela bilong ol man i lus em spika bilong Morobe, Mista Yakatung David.

Nem bilong tripela

i go moa long pes 4



FORD
NEW SERIES **10** TRACTORS
BUILT TO BE RELIED ON

BOROKO MOTORS

I GAT 12-150 HOSPAWA




BOROKO MOTORS - 25 5255 - Port Moresby
BOROKO MOTORS - 42 1164 - Lae
BOROKO MOTORS - 92 2777 - Rabaul
BOROKO MOTORS - 82 2433 - Madang
BOROKO MOTORS - 52 1433 - Mt Hagen
ARAWA MOTORS PTY. LTD. - 95 1566 - Arawa
HIGATURU MOTORS PTY. LTD. - 29 7175 - Popondetta
PROVINCIAL AGENCIES PTY. LTD. - 94 2131 - Kavieng
TORA MOTORS PTY. LTD. - 57 4059 - Wapenamanda
MILNE BAY ENTERPRISES - 61 1167 - Aitape
WEWAK DATSUN AND MARINE - 86 2220 - Wewak



Soim Rispek

I gat ripot i kamap gen long ol stesin i stap long boda bilong PNG na Indonesia long ol balus bilong Indonesia i kam insait long mak bilong PNG.

Ol pipel husat i bin lukim dispela ol balus i tok ol balus ya i bin tromoi wanpela samting i go daun.

Dispela em i bikpela samting tru. Na nau em i taim bilong PNG na Indonesia long tokaut stret long wanem ol samting i kamap nau long hap bilong tupela kantri.

Tupela wik i go pinis PNG i bin salim wanpela tim i go long paitim toktok wantaim Indonesia long ol trabel i kamap long boda. Tasol i no bin gat gutpela kaikai bilong dispela kibung.

Na nau Praim Minista Somare i tok long salim Foren Afeas Minista Rabbie Namaliu yet i go long toktok wantaim Indonesia.

Indonesia na PnG i bin pasim toktok pinis long toktok save long wanem samting i kamap long hap bilong boda namel long tupela kantri.

Nau i luk olsem PNG i no kisim gutpela bekim i kam long gavman bilong Indonesia long wanem ol trabel i wok long kamap long boda namel long tupela kantri.

Indonesia i mas luk save olsem PNG em i wanpela independen kantri na i gat ol lo i was long sindaun bilong ol pipel. Na mobeta ol i mas soim rispek long ol dispela lo.

Mani Bilong IYDP

STAT long tupela yia bipo, wanpela aipasman i bin traim hat tru long painim aut wanem samting i bin kamap long mani em PNG Disebel Bot i bin kamapim long 1981 Intenesenel Yia Bilong Ol Tarangu.

Aipasman ya em Mista Hekoi Igo husat i wok long telepon swisbot bilong Dipatmen Bilong Praimeri Industri long Mosbi.

Igo i tok olsem, "Mi bin ringim siaman bilong Nesenel Bot Bilong Ol Disebel, Mista Gei Ilagi long

i kam long pes 3 arapela man i lus em wanpela tisa, Mista Madaketing Ilieng na tupela man bilong ples, Mista Gikwang Nudup na Mista Kad Keame. Olgeta dispela man i bilong Nasingalatu Viles long Finsafen, Morobe Provins.

Long Mande Morobe Provinsal Asembli (Tutumang) i bin pulap long planti memba i gat bikpela sori. Long bungim olgeta tingting bilong pipel bilong Provins, Ekting Primia Mista Stephen Mambom i bin krai wantaim na tokaut tu olsem Provinsal Gavman i pinis tu long traim painim spika na

Ol Tarangu I Askim

stat bilong las yia (1983) tasol em i promisim mi long toksave long dispela mani ol i kisim long Intenesenel Yia Bilong Ol Tarangu (IYDP) na em i no bin tok save long mi yet."

Igo i tok olsem em laik save hamas mani tru dispela bot i kisim long 1981, na olsem wanem bot i bin givim aut o yusim dispela mani.

Em i tok, "Mi ting ol arapela disebel manmeri na pablik tu i laik save long dispela samting."

Ripot bilong mani long opis bilong Siaman bilong Nesenel Bot

Benny Bogg


Bilong Disebel, Mista Gei Ilagi i soim olsem, i kam inap long Julai 2 1982, i bin kamapim K72,913.11.

Mista Ilagi i tok, "Mipela i lukautim gut dispela mani. Mipela i givim aut 72 pesen bilong dispela mani i go long kain kain wok bilong ol tarangu. Ol arapela mani i go long baim wanpela eksekutiv opisa husat i wok long stretim wok bilong mipela. Sampela mani i go long raun bilong ol tarangu long ol pilai na kain samting olsem, na sampela i stap redi long

painim kain samting olsem.

Nau olsem wanpela wik i lus pinis olgeta memba bilong Morobe Provinsal Asembli i gat bikpela tingting olsem spika bilong ol i go olgeta pinis. Tasol ol pipel bilong Nasingalatu viles i gat sampela hop yet olsem bikman bilong ol i mas stap laip yet long wanpela hap bilong solwara. Ol i wok long lukluk yet arere long nambis long traim painim wantok bilong ol.

Morobe Provinsal Asembli i makim pinis Mista Teng Yangin long kamap olsem ekting spika.



• Hekoi Igo i laik save.

wanem wok i kamap bihain."

Dispela ripot bilong mani bilong bot ol i kisim long 1981 (i kamap long Julai 2) i soim olsem bot i bin givim aut pinis K5726.53 long 1981 inap 1982 Jun. Olsem na long dispela taim (Julai 2) i gat K15,486.58 i stap yet.

IYDP komiti bilong mekim redi ol wok bilong ol tarangu i redim tu 8 yia plen bilong mani bilong

ol tarangu long opis bilong ol stat long 1981. Dispela plen i soim olsem bikpela mani ol i kisim long wan wan yia bai go long helpim ol grup bilong ol tarangu long wanem kain hevi ol i gat.

Dispela bot i kisim tok save long gavman olsem gavman bai no ken kisim takis long mani em ol i save mekim long wan wan yia.

WANTOK NIUSPEPA

Nius i kamap 52 taim long yia.

Opis bilong Edita na edvetaising long PNG

P.O. Box 1982, Boroko
Telepon: 252500 Teleks: NE 22213
Edvetaising - Ph: 252500

PE BILONG WANPELA VIA, 52 NIUSPEPA

Ples	Air	Surface
Port Moresby	K20	K20
PNG	K29	K29
Australia & Sol Islan	K60	K39
New Zealand & Pacific	K78	K46
America & Europe	K118	K60

Printed and published by Rowan Sidney Callick, of Winter street, Granville, at Allotment 2, Section 209, Hohola.

Plis Ripot

Sapos papa bilong wanpela haus long Vudal Egrikalsa Koles i no bin stap long haus bilong em, wanpela man inap long stilim samting long haus.

Stilman ya i bin brukim haus pinis na go insait. Tasol taim em i lukim papa bilong haus em i ranawe. Plisi bin painim dispela man bihain na sasim em.

na Indonesia."

Mista Okuk i tok em i laik save;

* Bilong wanem gavman i tingting long stapim olgeta wari long boda taim Indonesia i bin mekim wanpela bikrot bilong ka i kam kalapim boda.

* Bilong wanem gavman i no laik harim tok bilong ol pipel long nambis bilong Vanimo na traim painimaut sapos em i tru olsem ol pipel i lukim tupela sip bilong arapela kantri long eria bilong ol.

* Na olsem wanem tru gavman bilong PNG i redi tasol long

givim kantri PNG na ol pipel bilong en i go long hap bilong narapela kantri.

"Samting i bin kamap long ol arapela kantri bipo i wok long kamap long PNG nau." Okuk i tok.

Mista Okuk i singaut nau long ol Tret Yunion, Bisnis Grup, Asosiesen, Studen Grup na ol arapela kain grup olsem long sanap wantaim na askim gavman long wanem samting gavman bai mekim long stretim ol wari i wok long bagra-pim boda na ol pipel bilong PNG.

Sea Holda Kisim Winmani Nau

LONG namel bilong mun Epril Invesmen Kopresen Fan bilong Papua Niugini bai givim narapela hap bilong ol winwani bilong yia 1983 i go long ol sea holda bilong en.

Ismael Marabui'

Long Septemba las yia Kopresen i bin givim namba wan liklik hap bilong winmani

bilong 1983 i go long ol sea holda bilong en. Long dispela taim Kopresen i bin baim ol sea holda long 5½ toea long wan wan sea ol i gat. Wanpela sea i kos K1.29.

Long Epril Kopresen bai givimaut olgeta hap bilong winmani bilong 1983. Husat sea holda i bin gat sea pastaim long Desemba 1983 bai kisim 10½ toea moa long wanpela sea em i gat long Invesmen Kopresen.

Na long bungim olgeta winmani bilong 1983 em Invesmen Kopresen bai

givimaut long ol sea holda bilong em, Kopresen bai i baim 16 toea long wanpela sea.

Em i min olsem long 1983 wanem man i gat 100 sea bai kisim K16. Ol i bin givim K5.50 pinis long ol sea holda long Septemba 1983. Na sapos dispela sea holda i bin gat 100 sea long Desemba 31, 1983 em bai kisim K10.40 gen long mun Epril.

Long olgeta K1 em sea holda bai i kisim i kam long Invesmen Kopresen 17 toea bai go bek long gavman olsem takis. Sampela grup tasol em lo i stapim gavman long

kisim takis mani long ol bai i no inap lusim liklik toea i go bek long gavman. Ol sios grup em i wanpela bilong ol dispela kain grup.

Mausman bilong Invesmen Kopresen, Mista John Lindsley i tok 1983 i bin wanpela gutpela yia gen bilong Invesmen Kopresen long ol wok bisnis bilong en. Dispela i mekim na ol sea holda i kisim gutpela winmani long sea bilong ol. Winmani bilong Invesmen Kopresen i bin winim gen winmani bilong ol beng insait long Papua Niugini.

kamap long pis bilong Sir Kidu long de o taim bilong harim dispela apil kot bilong Yabara.

Bihain long taim Nesenel Kot i givim tok orait long Yabara i baim K200 belmani na lusim kalabus, em i lusim haus kot wantaim bikpela belama-mas tru.

Em i tokaut olsem, "Tokim ol pipel husat i bin votim olsem mi kam ausait pinis! Na long dispela taim, bai mi no inap go bek gen long kalabus."

Insait long kot, yabara i tokim Mista Jastis Los olsem, "Mi laik givim belmani na autim mi yett long kalabus. Long wanem mi wari long famili bilong mi, pipel long ilektoret bilong mi wantaim wok bilong mi long palamen.

"Mi gat 4-pela meri na 4-pela pikinini husat iwok long painim hevi. Ol i no gat man long lukautim ol taim mi stap long kalabus. "Ol pipel husat i bin votim mi i no klia olsem mi go long kalabus. Na mi no bin i gat gutpela sans long toktok wantaim ol pipel."

Mista Kariko i egensim Yabara na tokaut olsem planti arapela manmeri tu i lusim wok na famili bilong ol, taim ol i kalabus. Na ol dispela arapela pipel i stap long haus kalabus yet na painim helpim bilong ol long autim ol long kalabus. Na em i no stret long larim Yabara i kisim dispela sans long lusim kalabus.

Maunten Paia / Slo Daun

B i k p e l a maunten pairap em ol pipel long Rabaul i bin ai op tasol na wet long harim i no bin kamap, kwik. Nau ol pipel i stat long go bek isi isi long Rabaul taun na klostu bai taun bilong Rabaul i pulap gen.

Ol pipel i save olsem maunten bai paia. Tasol ol i bin stap long taim tru longwe long haus bilong ol na samting ol i bin pretim pastaim i no bin kamap. Ol asples yet i save pinis long kain laip long Rabaul. Na ol i no pret tumas olsem ol man i stap long ol arapela provins.

Planti samting i bin mekim na ol pipel i no pret long go bek na slip long haus bilong ol long Rabaul. Long Januari na Februari husat man i raun klostu long ples balus bilong Rabaul inap long smelim strongpela smel bilong salfa. Salfa em wanpela yelo paura i save kam aut long maunten paia.

Wanpela man i stap long Rabaul i tokim

Wantok olsem long mun Januari na Februari ol gras long ol ples klostu long maunten paia i bin drai na i braun. Sampela reni bin pundaun pinis na olgeta dispela gras i kamap grin gen.

Ol pasin i bin kamap long Januari na Februari i no moa kamap ples klia. Wok bisnis tu long taun i no bin slek liklik. Beng na stua i op yet long taim planti man i bin painim ples bilong hait.

Dispela man i tok, "Bipo mipela i save pilim ol guria klostu klostu. Tasol nau guria i no save kamap planti taim olsem bipo. Long tupela wik mipela i bin malolo long pilim guria i kam inap Sande tasol. Guria long Sande i no bikpela olsem mipela i save pilim bipo. Tasol dispela guria i bin stap longpela taim.

Man ya i tokim Wantok olsem "Olgeta bikpela manmeri na pikinini i save pinis olsem taim nius bilong maunten paia i laik pinis, anaunsa i mas tok yet olsem olgeta wok redi i stap yet long stes 2.

Nau ol pipel i kam lukim sampela pasin em i no bin save stap bipo. Ol sipi i no inapgo klostu moa long Matupit olsem bipo. I gat wanpela lait pos i sanap pinis long solwara long soim olsem si long dispela hap i no daun olsem bipo. Solwara i stap raunim Tavurvur i boil i stap.

Ol pipel i bin stat long muv i go bek long Rabaul pastaim yet long ol bikman i tokaut olsem em i orait long ol i go bek. Tasol long Tunde ol man i save was long maunten paia i tok olsem ol i ting maunten paia bai no inap pairap kwik. Na i luk olsem bai no gat pairap long dispela yia.

Mak bilong graun solap na guria i no soim olsem bai i gat pairap bilong maunten paia long liklik taim bihain. Ol bikman i tok sans bilong maunten i paia long dispela yia i namel tasol. Tasol ol pipel i no mas slek. Ol i mas redi tasol na stap. Nogut pasin bilong maunten paia i senis gen na kamap nogut kwik taim.

Okuk / Sot



Mista Okuk i tokaut strong olsem em i no wari long ol memba long Oposisen i kalap i go long gavman. Ol memba na sapota bilong em tu i bin i stap long kibung bilong ol niusman.

Lida bilong Oposisen, Mista Iambakey Okuk i bin tokim ol niusman olsem Oposisen grup bilong em i no gat gutpela samting olsem ka, mani bilong salim ol memba i go ovasis, givim gutpela pati na i sot olgeta long mani. Em ol dispela samting gavman i gat long en.

Mista Okuk i tok dispela as tasol na i no gat gutpela wok bung long ol pati i kamapim Oposisen. Na nau planti ol memba i laik kalap i go long gavman.

Mista Okuk i mekim dispela toktok bihain long memba bilong Alotu Open, Simon Mumurit i kalap i go long

gavman tupela wik i go pinis.

Mista Okuk i tok sapos em i no ranim gut Oposisen orait ol lida yet i ken skelim na makim narapela ol lida long go pas long Oposisen.

Mista Okuk i bin tokim ol niusman olsem em wantaim ol Eksekutiv memba bilong Nesenel Pati i kibung na tok orait pinis long rausim Mista Neville Bourne long pati bilong em.

Mista Okuk i tok Mista Bourne i no bin wok gut wantaim Oposisen na Nesenel Pati.

Tasol Mista Bourne i tok long Mande, 26 Mas, olsem em i no kisim wanpela pas em i tok savelong em long dispela samting.

Em i tok em yet bai risain long Nesenel Pati na bihain bai em i go long wanem narapela Pati em i laik long en.

Tupela wik i go pinis, memba bilong Sentral Provins, Mista Ted Diro i bin tok aut tu olsem sapos em i laik kalap i go long gavman, em i ken mekim isi tasol.

Mista Okuk i bin tok aut long ol dispela samting bihain long em i bin kibung wantaim ol lida bilong ol arapela Oposisen pati.

Noten Rijinal memba Mista Steven Tago, Daulo open memba, Mista Gai Duabane, Mista Mahuru Rarua Rarua na ol sapota bilong em i bin stap tu. Tasol Pater Momis wantaim Sir Julius Chan i no bin stap.

Asua Bilong PNG Skul Sistem

I gat planti tok kros na komplek i sut stret long bikpela asua i wok long kamap nau long wok edukesen bilong Papua Niugini.

Planti studen husat i pinisim Gret 6 long komyuniti skul i no inap go long haiskul. Na planti tisa i no kisim spes long skul ol studen bilong komyuniti skul o haiskul insait long planti hap bilong PNG tude.

Asua i kamap long wanem hap? Na bai yumi sutim tok long husat nau?

Long olgeta yia bipo i kam inap nau, i gat planti yangpela manmeri i pinisim trening insait long Goroka Tisa Koles na kamap graduet tisa. Tasol planti bilong ol dispela tisa i save wet long pul na sambai long kisim ples o posisen insait long ol skul. Na long olgeta yia yumi save painimaut olsem planti haiskul i statim skul, tasol oli sot long ol tisa.

Ol provinsal na nesenel bosman bilong edukesen i save skrapim het na belhat tru long painim wankain asua bilong ol skul na tisa i kamap oltaim long wan wan yia.

Ol papamama i save hatwok tru long salim pikinini bilong ol i go long komyuniti skul

insait long wan wan de long olgeta yia. Tasol ol i sori tru long painimaut bihain long pinis bilong yia, 1983 olsem planti pikinini bilong ol i no inap go long haiskul.

Ol dispela papamama i gat bikpela kros na i salim planti komplek i go long ol provinsal edukesen opis. Na ol i subim ol dispela wokman long edukesen opis long tok klia long kain rot ol i bin yusim long makim ol studen i go long haiskul.

Long dispela as tasol, Edukesen Dipatmen i lukluk gen long sampela gutpela rot bilong helpim ol skul pikinini na kolim bel bilong ol papamama. Na dispela dipatmen i tingting strong long kirapim kain infomal edukesen program we ol pikinini i ken lainim kain kain wok long ples.

Ol pikinini i kisim save aninit long dispela program bai no inap sindaun long klasrum na putim yau long tisa olsem ol arapela pikinini long komyuniti skul i save mekim.

Nesenel Gavman i makim K405,000 (4 handet 5 tausen kina) long givimaut i go long kirapim dispela infomal edukesen program aninit long Nesenel Publik Eks-

pendisa Plen (NPEP) long wan wan yia.

Ol skul husat i skul ol studen long kain kain samting na i gat vokesenel trening program bai kisim K150,000 (wan handet na 50 tausen kina) i kam long gavman bilong helpim ol i sevim komyuniti.

Ol papamama i stat long painimaut nau olsem ol dispela skul i givim vokesenel trening long ol studen em i gutpela moa. Planti papamama i save kaunim bikpela mani ol i lusim long skul fi na i tingting long kain save bai ol pikinini bilong ol i kisim long dispela kain skul.

Ol i save wari tumas long mani ol i lusim long skul fi long wan wan yia. Tasol ol i mas stap isi, bikos gavman i lukluk nau long planti gutpela rot bilong helpim ol skul pikinini.

I gat planti asua i kamap namel long wok bilong haiskul edukesen bilong PNG bipo na long tude tu. Seketeri bilong Nesenel Katolik Edukesen Bot, Mista Adriaen Keogh i tokaut long sampela bilong ol dispela asua i stap dauniblo:-

• Skul i sot long ol tisa. Dispela asua i mekim ol skul i stap longwe long ol biktaun i painim hevi.

• Ol skul i stap long ol provins i no gat bikpela wok senis long en. Bikpela pret long maunten pairap insait long Is Nu Briten Provins i mekim ol tisa na studen i lusim skul.

• Planti tisa husat i graduet long las yia, 1983 i tok orait long go na wok long ol skul. Tasol ol i no kisim mani long stretim rot bilong ol i go long ol skul. Na long dispela as, ol dispela tisa i tulet long kirapim wok stret long taim skul i stat.

• Sampela tisa i les na ol i go painim ol arapela kain wok nabaut insait long biktaun bilong ol yet. Na ol i lusim tisa sevis olgeta.

Mista Keogh i tokaut olsem planti ol sios i wok klostu wantaim Diaptmen bilong Edukesen na ol provinsal edukesen bot nau long traim na tambuim ol dispela asua long kamap yet.

Na Mista Keogh i laikim ol haiskul tisa husat i no gat wok long dispela yia i mas salim tok i go long provinsal edukesen opis o edukesen seketeri bilong Sios i stap klostu long ol. Em bai ol dispela grup i ken helpim wan wan tisa long kisim ples long ol skul i sot long tisa.

Saina Helpim NCW

Wanpela grup long Saina ol i kolim, ol Saina Wimens Federesen i namba wan ovasis grup bilong ol meri long givim helpim i go long PNG Nesenel Kaunsil ov wimens insait long bikpela K1 kempein.

Ol 4-pela memba

bilong Saina Wimens Federesen i bin givim planti samting long wanpela bung wantaim em i bin kamap lon opis bilong man i makim gavman bilong Saina long PNG, long 26 Mas.

Ol 4-pela meri Saina ya em Mis Wang Quingshu, Misis Wan Shaofen, Misis Zhu Meide na Mis Wei

Bowen. Meri i go pas long ol, Misis Wang Quingshu i bin tokim ol pipel i stap insait long dispela pati olsem dispela ol handkrafis ol meri bilong Saina yet i bin wokim.

Dispela ol 4-pela meri i bin wokabout long ol arapela kantri long Pasifik pinis.

i go moa long pes 27



LAE CITY INTERIM AUTHORITY

TOK SAVE

Lae City Interim Authority i laik tok save long ol pablik olsem, nau iet authority i givim wok kontrak long tupela grup long lukautim o polisim pablik ples, long maket or tromoi pipia o spet.

Yu husat man o meri, yu laik maket, yu go stret long maket na salim samting bilong yu.

Tromoi pipia o spet i tambu tru.

Plis ridim dispela tok. Yu mas harim na bihainim.

Sapos nogat yu lukaut gut long ol dispela wokman.

Sapos ol i lukim yu bai ol bringim yu ikam long opis bilong authority na bai yu baim K5.00.

Dispela rul i stap long LCIA rul namba 3 lita na rabis damping rul.

A J McLay.

Gutpela Lo Bilong Kaunsil

Dia Edita - Mi laik bekim pas bilong Misis Juolma Engo bilong Pindiu long Finsafen distrik, tasol nau em i stap long Konedobu. Pas bilong em i bin kamap long Wantok nius namba 498 long 10 Desemba.

Mi wanpela boi bilong Pindiu, tasol mi stap nau long Arawa long not Solomons. Yu bin toktok long ol Siti Kaunsil long Mosbi i rausim ol strit maket long Mosbi.

Ating mobeta no ken moa raitim pas long dispela long wanem bikpela tok ol bos bilong

siti kaunsil i tok aut pinis.

Dispela lo ol i putim i bilong helpim gavman long mekim Mosbi siti i luk klin. Em i bikpela siti bilong PNG. Na planti ol bikman na meri bilong wol na ol turis tu i save kam raun long Mosbi. Na ol i no laik lukim ol mama pikinini sindaun long olgeta kona bilong strit na salim buai, daka, aisblok na ol kumu nabaut. Planti pipia olsem spet bilong buai na ol blu lang i save pulap long ol kona bilong strit. Na dispela samting i givim nem nogut long biktaun bilong yumi.



Yu klia long dispela ol kain risen tu o nogat? Yu tingting long liklik sindaun bilong yu wantaim famili long haus na salim kaikai tasol long strit bilong Mosbi.

Kerry Obu, Arawa, NSP.

Tambuim liklik manki long haus piksa

Dia Edita - Mi laik sapotim toktok bilong Benson Masonggo bilong Mosbi i kamap long Wantok Niuspepa namba 502. Benson i no amamas long ol haus piksa i larim ol yangpela man na meri i go insait na lukim muvi piksa. Na mi sapotim dispela toktok bilong em na mi skruim liklik toktok bilong mi yet.

Namel long yia, 1966 i kam inap long 1970 em Australia Gavman i lukautim PNG yet na i gat strongpela lo i tambuim ol manki i gat krismas aninit long 16-yia long go insait long haus piksa. Na dispela lo tu i tambuim ol yangpela man husat i gat krismas aninit long 18 yia long soim pes long ol ples bilong dring bia.

Long dispela taim Australia Gavman i lukautim yumi, i no gat planti trabel i kamap long han bilong ol yangpela manki i gat krismas i aninit long 18 yia. Tasol nau klia. Ol yangpela manmerii bihainim planti kain hambak pasin ol i lukim long muvi piksa. Na ol i stil, brukim

haus, dring bai na bikhet nabaut, paitim narapela manmeri nating na holim pasim na bagarapim meri.

Ol dispela kain asua wantaim ol yangpela manmeri i no kamap planti taim long bipo, laka? Long wanem i gat strongpela lo i tambuim ol liklik mani long lukim ol piksa nogut na bihain kain pasin i kamap nabaut long arapela Westen Kantri.

Mi singaut long PNG Gavman nau long mekim strongpela lo na tambuim ol yangpela manmeri aninit long 18 krismas long lukim ol muvi piksa. Long wanem tingting bilong ol dispela lain yangpela manmeri i yangpela yet. Ol i no inap tingting olsem bikmanmeri taim ol i lukim ol piksa pinis na kam ausait.

Em i tru olsem PNG em i fri kantri na yumi no ken stapim laik bilong wan wan manmeri. mi save. Tasol ating yumi mas i gat ol strongpela lo i kamap long givim bikpela mekim save long ol yangpela pipel i pret. Em bai kain asua bilong ol yangpela

manmeri no inap kamap planti taim tumas long olgeta hap biktaun bilong PNG.

Morko L, Kusito Kem, Panguna, NSP.

Bagarapim Morobe

Dia Edita - Mi laik bekim pas bilong Wongi Leo bilong Kulung Viles, Morobe i bin kamap long Wantok Niuspepa namba 509.

Leo i komplem long Kote Brotkas bilong redio Morobe i wansait tumas. Na mi laik bekim pas olsem ol dispela toktok bilong Leo i no tru.

Leo i bin tokaut olsem dispela tokples Kote em i bilong ol Finsafen pipel tasol. Na planti anaunsa bilong Redio Morobe olsem asples stesin bilong ol. Dispela kain tok bilong Leo em i komplem bilong ol liklik manki.

Sapos yu gat dispela kain komplem, orait, yu yet i mas go toktok wantaim stesin menesa bilong Redio Morobe. Yu ken raitim pas stret i go long em na autim dispela belhevi bilong yu. Em bai yu wantaim stesin menesa

i ken toktok na painim ol narapela we long putim kamap ol program.

Na yu, Leo i kirap na raitim pas i go long niuspepa nating. Mi save olsem yu bilong Kabwum Distrik. Na olgeta manmeri long hap bilong yu i klia long tokples Kote. Yu bin stap we na i no klia long dispela tokples, a? Sapos yu no klia long tokples, em i wari bilong yu yet.

Em i tru olsem ol pipel bilong Lae-Wampar, Wau, Bulolo, Mumeng, Menyamy, Garaina, Morobe Patrol Pos, Kaiapit, Waing na Boana i no klia long Kote. Tasol planti manmeri bilong ol dispela hap i klia long tokples, Yabim. Long wanem ol misineri bilong gut taim bipo i kirap long Finsafen i go na lainim ol pipel long gutnius bilong God.

Sapos yu bilip olsem ol

anaunsa bilong Finsafen i wansait tumas, orait, salim ol pikinini o brata-susa bilong yu i go skul na kisim wok anaunsa. Na bihain ol i ken joinim NBC na kam i stap long Redio Morobe. Em bai ol i ken autim ol brotkas na ol singsing bilong asples o eria bilong yu.

Yu bin tok olsem moa long tri-kota bilong ol manmeri insait long Morobe Provins i no klia long Kote. Tasol em i no tok tru.

I gat samting olsem tri-kota bilong ol manmeri i save long Kote na rit na rait long dispela tokples. Na sampela manmeri long hap bilong Madang na sampela hap bilong Hailans i klia long tokples Kote.

Ol anaunsa i putim kamap ol dispela program long Redio Morobe aninit long samting ol i bin

lainim long mekim kamap. Na yu no ken rabisim wok bilong ol. Sapos yu les long harim ol program i kamap long Redio Morobe, orait, mobeta yu yet i tanim redio bilong yu i go long Sot-Wev 2 na putim yau long Redio Mosko, Peking o Tokyo na harim ol gutpela toktok na musik.

Mi tokaut pinis olsem yu mas kisim dispela komplem bilong yu i go na kamap long stesin menesa bilong Redio Morobe. Em bai yupela i sindaun bung na stretim dispela wari. Na bihain komplem bilong yu i ken kamap long NBC Bot husat i ken skelim toktok bilong yu na mekim sampela senis insait long brotkas o program bilong Redio Morobe.

Galio Kengong, Panguna, NSP.

Kuri i lida tru

Dia Edita - Mi laik bekim pas bilong Paraka Kopi. Yu bin askim long memba bilong Dei Open i stap we?

Mi laik tok save long yu olsem memba bilong Dei Open i save go long Palamen na bihain long kibung bilong palamen em i save kam bek long elektoret bilong em yet. Na mipela save lukim pes bilong em oltaim.

Sapos yu askim long rijinal memba bilong yu, Paul Torato yet em bai stret. Dispela man i save go stap long Mosbi longtaim tru bihain long

kibung bilong ol memba i pinis.

Na em i no save kam bek long provins na mekim wok tru bilong helpim ol pipel bilong em.

Parua Kuri i bin memba bilong mipela longpela taim tru na mipela i gat bilip na wanbel long em longtaim tru. Yu dispela man Paraka Kopi i bilong Dei elektoret yet long sampela hap long Westen Hailans tasol. Mipela i no laik man ausait i bagarapim gutpela nem bilong memba bilong mipela.

Mipela save yet na bilip strong tu olsem Parua Kuri bai i stap long Palamen olsem memba bilong Dei open inap 1987 taim narapela ileksen i kamap gen. Na em bai i win yet long wanem em i bikpela lida tru long komyuniti long hap bilong Dei bipo na i kam inap nau. Dispela em insait long wok bilong gavman na ol pasin tumbuna tu.

Ben Konts, Mope Viles, WHP.

Hap Blut Tasol

Dia Edita - Mi laik bekim pas bilong dispela man husat i bin rait long Wantok Niuspepa na tok olsem W.J. Kila i giaman long ol meri Sepik i no dia tumas.

Oke mai poro, yu bin tok olsem ol Sepik i baim pe bilong meri long liklik mani tasol, na ol pipel bilong Sentral Provins i baim meri bilong ol long bikpela mani inap olsem K20 tausen, na K34 tausen na i go antap moa. Mi laik tokim yu olsem dispela mak em bilong ol lain long Hanuabada, Gaire na hap i go olsem. Poro, sori tru olsem mi no bilong Hanuabada o

Sapos yu gat wari o askim salim i kam long Laiplain Box 6047, Boroko.

Gaire o wanem hap yu tok long en ya. Mi man bilong Rigo stret, na mipela i gat kain kain pasin. Mipela gat narakain tok ples na kastom long ol Motu pipel.

Na tu olsem, meri bilong mi em i no Sepik stret. Papa bilong em i bilong Maprik na mama i bilong Lealea long Sentral Provins. Hap lain bilong meri em ol Motu na ol i save baim meri long K20 tausen o moa, olsem yu tok ya.

Ating yu wari long mi olsem mi marit long Sepik na mi win stret ah? Sori tumas, traim gen tambu!

Pasin nogut i kamap

Dia Edita - Planti yia i go pinis ol yangpela manmeri i bin go long haikul, koles o yunivesiti na ol i kisim bikpela save na gutpela wok.

Nau ol dispela man i kamap bikman long gavman na kisim wok olsem ol bos bilong kampani. Na sindaun bilong ol wantaim famili i kamap gut na ol i gat gutpela haus, gutpela ka na ol kain samting olsem.

Tasol bihain long yia 1976 i kam inap 1983, ol dispela gutpela pasin bilong wok i lus pinis. Lo na gutpela step bilong dispela 3-pela kain skul i senis pinis na i no smat moa.

Nau ol manmeri i pinisim skul long dispela 3-pela mak i no save soim moa olsem ol i kisim bikpela save na traim lainim ol yangpela tru.

Namba wan asua i kam long ol yangpela meri husat i skul long koles na

yunivesiti. Ol papamama i save hatwok tru long baim skul bilong ol. Tasol wanem samting i kamap long sampela long ol dispela meri? Ol i no pinisim skul bilong ol yet na ol i go bek gen long ples wantaim bikpela bel.

Ol papamama i hatwok nau long lukautim pikinini bilong dispela meri. Na long taim em i go bek long taun em i save traim hat tru long painim wok na pinisim skul. Bihain em painim olsem em i gat bel gen. Dispela taim long narapela man gen.

Yupela ol yangpela meri i mas tingting gut long dispela. Na yusim gut het bilong yupela. Nogut man i daunim poin bilong yupela tumas.

Namba tri birua i save kamap long ol studen insait long ol bikpela koles na yunivesiti em, ol kolim "Homoseksueliti." Ol man studen yet i save mekim sem pasin. Na ol

meri tu i save mekim wankain pasin.

Ol manmeri long ples na papamama i harim dispela kain pasin i wanpela rabis pasin tru. Dispela i daunim stret nem bilong famili insait long pes sapos ol painimaut olsem studen bilong wanpela famili i stap long koles i mekim kain rabis pasin olsem.

Ol PNG manmeri bipo i go long bikpela skul nau kamap bikmanmeri long gavman i no bin mekim olsem. Tasol ol yangpela studen bilong nau i save bihainim kain kain rabis aidia bilong ol ovasis kantri nabaut na i kopiket tumas.

Ol yet i laik traim ol dispela nupela aidia na pasin nogut na ol i bagarapim nem bilong ol yet.

Lipa Pawayan, Luteran Tiolojikal Semineri, Lae.

Mno em yu

Dia Edita - Mi bekim pas bilong Busen Alihindy bilong Manus. Pas bilong yu i bin kamap long Wantok niuspepa long Sarere 10, Mas.

Brata mi no amamas long dispela tok bilong yu. Yu bin tok olsem ol Wosera pipel long Maprik i save karim baket long Manus. Ating yu pasin tru wanpela gutpela toktok nogat nau na yu bin raitim dispela pas i go long Wantok.

Toktok yu bin min long raitim em Mno na yu kalap na yu tok ol Wosera i save karim baket long Manus na tok munomuno. Yu bilong Wewak

o bilong Sepik wara?

Sapos yu bilong Gamapel viles long Wosera stret em bai yu save long mining bilong dispela tok ples. Na yu rait na daunim nem bilong ol Wosera. Sapos ol lain wantok ol manmeri bilong Maqus i yusim dispela tok ples Mino-mino tu em i orait.

Dispela hap tok long tok ples i min yu. Sapos ol i toktok long ol man. Sapos ol i toktok long ol meri ol i save tok Ino ... Nyno. Yu save tu o yu laik raitim pas tasol i go long niuspepa.

Steven Waria, Wewak, ESP.

Stesin Bilong Ol Grasrut

Dia Edita - Mi wanpela man i stap long Rabaul taun. Na mi bekim pas bilong Gedeon Kanawari. Pas bilong em i bin kamap long Wantok namba 511. Yu bin komplem long tok ples Tolai Kuanua i kamap long redio Rabaul. Mi laik tokim yu em wari bilong yu.

Dispela stesin em i bilong ol pipel bilong Is Nu Briten. Sapos yu laik harim ol nius na program long tok Inglis orait tanim i go long Mosbi. NBC

stesin long Mosbi em bilong ol Inglis manmeri. Ol Provinsal stesin em i bilong mipela ol grasrut long tok pisin na tok ples. Sapos yu no amamas em i wari bilong yu tasol. Long wanem olgeta provinsal stesin i gat dispela kain lo na ol i wok olsem long sevim ol pipel insait long provins bilong ol.

Lolo Jona, Rabaul taun.

Salim ol pas i kam long WANTOK BOX 1982 BOROKO

Moa pas long pes 20 na 21

HIA EM INAMBAWAN SWITKAI BILONG PNG CRACKER BISKET WANTAIM ANCHOR SIS

PNG Cracker Bisket feivaret switkai bilong PNG stret, na bai swit moa yet wantaim liklik hap Anchor sis antap long en.

Kain nambawan swit tru bilong Anchor sis i kam long Nu Silan wantaim nupela smel bilong PNG Cracker Bisket i kamap long Morobeen nau em i namba wan switkai bilong olgeta memba insait long famili.

Dispela PNG Cracker Bisket na Anchor Sis i stap insait long ol gutpela stua long olgeta hap bilong PNG nau!



**PNG
Cracker**



SIONI 1 3914

Somare lukim provins



Sentral Provinsal Primia, Dokta Reuben Taureka i bin askim Mista Somare long go lukluk raun long provins bilong em.

Nesenel memba bilong Sentral Provins, Mista Ted Diro, Dokta Reuben Taureka na ol provinsal na nesanel memba bilong Sentral Provins i bin go wantaim Mista Somare long taim em i bin go lukluk raun insait long Sentral Provins.

Praim Minista Michael Somare i bin raun insait long Sentral Provins inap 2-pela de olgeta.

Dispela lukluk raun bilong em i bin stat long Mas 19 na i pinis long Mas 20. Insait long dispela 2-pela de, Mista Somare i bin raun i go long Tapini, Bereina, Kwikila na Abau.

Praim Minista Michael Somare i sanap wantaim ol yangpela meri long Kwikila.

Yangoru Sausia bai ileksen 14 kendiet i resis



Ilektoral Opis long Wewaki givimaut pinis nem bilong ol man husat i laik sanap long Yangoru-Sausia bai ileksen.

Ismael Marabui

Bai 14 kendiet i resis insait long dispela bai ileksen. Melanesian Alaiens Pati i gat bikpela namba bilong kendiet i sanap long dispela ileksen. Na i gat 5-pela kendiet. Pangu Pati i sanapim 4-pela man long

resis long sia bilong Yangoru Sausia.

Hia nau em nem bilong wan wan kendiet na wanem pati ol i makim:

Melanesian Alaiens (MA): Andrew Johy Soya, Bill Kaksall Takaboy, Sandy Nakambole, Benny Imbie Pinanguie, Leo Parihuasi Sataro.

Pangu: Peter Rony, Tom Simiamba, Augustus Wagambio Warangu, John Wauwia.

PPP: James Wain, Alex Wialih Siwanduo.

Independen: Jeremiah Wapi, Richard Yambiningi.

Wanpela kendiet tasol, Mista Sixtus Ramba Bandi, i no bin autim tingting bilong em sapos em i laik sanap olsem independen kendiet o sapos em i laik joinim wanpela pati.

Ilektoral Opis long Wewaki wok long wetim ol vot pepa long kamap. Tasol olgeta wok bilong redim ileksen i wok long ran gut tru. I gat 1-pela mun i stap yet long taim bilong vot. I go inap dispela taim - Epril 28 ol kendiet i gat taim yet long pulim ol lain man long putim X arere long nem bilong ol.

Klinim Lae siti

Lae siti na maket i klinim tru nau. Bikpela tenkyu i go long "Lae Klining Grup" wanpela kontrak grup em Lae Interim Atoriti i baim long mekim Lae siti i stap klin.

Tupela mun i go pinis wanpela lokal grup long Lae i bin go lukim Lae Interim Atoriti na askim Atoriti long givim wok kontrak bilong klinim Lae siti.

Lae Interim Atoriti bai traim dispela long tupela mun. Lae Klining Grup i wok long wanpela mun pinis, na i luk olsem wok bilong ol i gutpela tru.

Siti Menesa, Mista Alan Maclay, i tok "Ikam inap nau, mipela i amamas long gutpela wok dispela grup i bin mekim. Mipela i givim ol I.D. kat na singlis bilong soim olsem ol i bin Lae Klining Grup."

Wok bilong ol em long go raun nabaut long siti na sapos ol i lukim wanpela man o meri, i tromoi paia o spetim buai, bai ol i holim pas dispela man na bringim em i go long opis. Husat man i

mekim doti Lae siti bai baim K5 long opis.

Long las yia i bin gat wanpela grup i save go raun na bungim na rausim ol pipia long siti. Tasol kontrak bilong ol dispela Lae Klining grup em long holim pasim man i mekim pipia. Na wok bilong ol i bin kamapim gutpela kaikai tru.

Lae siti i stap klin nau na maket tu em i klinpela ples bilong baim kaikai, nau.

Ol stua olsem Bipi i save gat ol manmeri i sindaun ausait na salim kaving na sampela kaikai na buai. Lae interim atoriti i no laik lukim kain pasin olsem i kamap long olgeta hap bilong siti. Dispela grup i wok tu

long rausim ol man i salim samting arere long rot.

Lae interim Atoriti i gat plen long kirapim planti liklik maket long ol ples i stap nabaut long Lae siti. Ol kain maket olsem em ol i kolim mini-maket na ol pipel i mas i gat laisens long ranim kain maket olsem. Ol i statim wanpela kain maket olsem pinis long Angau haus sik.

Ol pipel bai i no inap moa long salim ol samting long ai bilong stua. Ol i mas salim samting tasol long maket na ol mini maket. Tasol ol pipel i ken go long wan wan haus bilong man na salim kaikai bilong ol. Olgeta dispela tingting i stat nau tasol na ol memba bilong Interim Atoriti i wok long tingim ol nupela rot yet bilong stretim dispela hevi.

Lae Interim Atoriti i save lusim moa long K1000 olgeta mun long baim dispela kontrak grup na dispela k1000 long olgeta mun i mekim gutpela wok tru nau.

Kaintiba haiskul

MEMBA bilong Kerema insait long nesanel palamen i wok long stretim rot bilong kirapim nupela provinsal haiskul long Galp Provins. Dispela bai i namba 5 haiskul bilong provins.

I no longtaim i go pinis memba bilong Kerema Open insait long palamen, Mista Aaron Noaio i raitim wanpela pas i go long minista bilong Edukesen, Sir Barry Holloway. Em i askim Sir Barry long larim kwik

K380,000 i go long provins bilong em bilong kirapim nupela skul long Kaintiba Distrik.

Mista Noaio i bin tok olsem long 1978 wankain askim olsem i bin go long nesanel gavman tasol nogat samting i bin kamap.

Mista Noaio i tok olsem nesanel gavman i wok long painim K4.2 milion long ovasis bilong stretim na mekim ol haiskul insait long kantri long go bikpela. Olsem na em i laik bai sampela bilong dispela mani i mas go

long Galp Provins bilong kirapim Kaintiba haiskul.

Mista Noaio i tok taim gavman i salim dispela mani i kam bai Katolik Sios na Galp Provinsal Gavman i skruim na kirapim haiskul.

Mista Noaio i wok long toktok wantaim helt minista, Mista Martin ToVadek na Minista bilong Fainens, Mista Philip Bouraga long kisim K380,000 bilong kirapim nupela skul hauskul bes haus sik long Kerema.

Plis Ripot

Long 9 klok nait meri i gat 16 krismas i bin stap ausait long haus bilong em long Forum namba 2 viles long Kainantu, Isten Hailans. Tripela yangpela man i bin kam long baksait na holim em. Ol boi ya i bin karamapim pes na nus bilong meri wantaim laplap na karim em i go insait long bus we ol i bagarapim em.


Long Kaesia viles, Kainantu long Isten Hailans Provins, wanpela meri i gat 16 krismas i wok long kam bek long Hagen taun wantaim ol pren bilong em. Sampela man i raunim ol dispela meri i go na holim dispela meri i gat 16 krismas. Ol i pulim dispela meri i go insait long bus na bagarapim em.

Long Togoba viles, long Maunt Hagen i gat tupela meri i maritim wanpela man. Plis i no save long as bilong trabel tasol wanpela bilong dispela meri i bin kirap na paitim narapela meri. Meri i bin kisim bagarap long het na han bilong em.

Lukautim Helt na gutpela sindaun bilong yu



I gat planti kain gutpela kaikai i pulap long vitamin na mineral long givim strong long yu oltaim



JOHNSTON'S PHARMACIES

I GAT NEM LONG LUKAUTIM OLGETA FAMILI

Maunten paia ripot

Namel long hap pas 11 na 12 klok belo wantu ol guria i bin kamap planti tru na ol pipel i bin pilim sampela strongpela guria. Ol guria i bin stat long sait bilong maus bilong maunten paia i go olsem long Vulkan.

Wasman bilong maunten paia long Rabaul i tok olsem stat long 4-pela de i go pinis i kam inap nau moning i no bin gat strongpela guria yet. Long 11 klok wanpela tok save i bin go aut olsem no gat bikpela senis i bin kamap long pasin bilong guria na solap bilong guria. Olsem na olgeta wok redi i bin stap yet long stes 2.

Bihain tasol long dispela tok save i bin go aut, long hap pas 11 wan tu ol guria i bin stat. Ol masin i bin makim strong bilong olgeta guria i kamap. Na strongpela guria tru bilong dispela de i bin kamap olsem 3.6 long skel bilong masin. Masin i bin makim moa long wan handet liklik guria tu.


NOIS ANINIT LONG GRAUN

Taim sampela strongpela guria i bin kamap ol pipel i bin harim bikpela nois i

kam aninit long graun. Ol graun aninit long si (solwara) i bin meknais na dispela mek nais i bin tromoi wara i go antap inap 3 mita. Ol dispela pasin i bin kamap arere long nambis bilong Vulkan poin.

Long Februari 18 wankain pasin olsem i bin kamap. Bihain long dispela de i kam inap nau ol strong i stap aninit long graun long Vulkan i bin go bikpela olgeta. Na nau taim em i rausim dispela strong ol guriai bin kamap.

Graun i wok long solap isi isi olsem na taim olgeta guria i bin pinis ol was man bilong maunten paia i tokaut gen olsem ol redi i stap yet long stes 2. Maunten bai paia long sampela mun bihain.



• **Pop John Paul II**

"Long nem bilong Papa na bilong Son na bilong Spirit Santu. Amen" Pop John Paul 2 i laik mekim misa long Tok Pisin long taim em i kam raun long PNG long Me 7 inap 10.

Nau yet, Pop i wok long lainim Tok Pisin long Rom. Wanpela pater bilong PNG yet, Pater Gabriel Pinda i wok long skulim Pop

Pop I Lainim Tok Pisin

long Tok Pisin. Pop i bin skul tupela aua pinis long lainim Tok Pisin.

Em i bin mekim wanpela misa pinis long Tok Pisin long haus lotu bilong em yet long Rom. Long dispela taim i gat 5-pela pater na 10-pela misineri long dispela lotu. Olgeta long ol lain ya i bin stap bipo long PNG na i save long Tok Pisin.

Pater Gabriel i bin tokim wanpela niuspapa long Rom olsem,

long dispela misa "Mi sanap klostu long sait bilong Pop, nogut em i popaia long toktok. Tasol nogat tru. Em i mekim dispela misa long Tok Pisin gut tru."

Pater Gabriel i tok, "Pop i lainim Tok Pisin hariap tru na mi kirap nogut. Bihain long mi bin givim wanpela skul long em long Tok Pisin insait long 40 minit tasol, em i toktok gut tru. Long taim ol pipel bilong PNG i harim em i Tok

Pisin long ol, bai ol i laikim em moa yet. Tasol bilong em i olsem ol lapun misineri bilong mipela yet long PNG."

Pop bai kam long Mosbi na bihain bai em i go long Hagen long Me 8. Long lukluk bilong komiti bilong redim raun bilong Pop, moa long 750 tausen manmeri long Hailans bai lotu wantaim Pop long taim em i mekim misa long olpela Golp pilai graun long Hagen taun yet.

Tripela save manmeri was long maunten paia

Wanpela saientis na tupela pipel husat i gat moa save long wok teknisen i bin kamap long Rabaul las wik long helpim long was long maunten paia.

Saentis ya, Brad Scott, em i bilong Nu Silan na em i wanpela save man long was long maunten paia. Em bai i wok long Manam Ailan. I gat wanpela wokman bilong was long maunten paia long Rabaul i save stap nau long Manam. Dispela

wokman bai go bek long Rabaul na Brad Scott bai kisim ples bilong em.

Tupela teknisen ya em Liz Anderson em wok bilong em bilong ranim komputa sistem na Dave Pownall husat em i wanpela iletronik teknisen. Tupela wantaim i save wok long Austalian Bureau bilong Mineral Risesos. Bai tupela i stap long Rabaul long helpim long wok bilong was long maunten paia long Rabaul.

Moa Trabel Yet

Long Korobosea viles, Pot Mosbi wanpela waspapa yet i bin mekim bagarapim liklik pikinini meri bilong em husat i gat 9-pela krismas tasol.

Plis i wok long painim yet moa long dispela trabel. Dispela trabel i kamap long Sande, 25, Mas.

Ol stilman i bin brukim windua bilong wanpela man klostu long haus ol i save mekim hos resis bisnis long Kagamuga long Maun Hagen. Na ol i stilim ol samting insait long ka i kos moa long K500. Dispela birua i kamap long Sande, 25 Mas. Na Plis i wok long painim yet ol stilman ya.

Long 22, Mas ol trabelman i bin stilim planti samting i kos moa long K796 long Sika Stua long Kundia-awa, Simbu Provins. Ol stilman i bin brukim windua long stua na go insait. Bihain ol i bin opim bikpela dua bilong stua na ranawe wantaim ol dispela samting. Plis i no painim yet ol dispela stilman.

Long Sande, 25 Mas, Erima Pasingan bilong Tutu Viles i bin go painim pis na i no go bek long ples. Ol pipel i ting em i dring wara o sampela birua i kamap na em indai pinis. Ol plis i painim em tu tasol ol i no inap painim bodi bilong man ya.

TOYOTA HILUX

Em bun bilong Papua New Guinea



Hilux i tubuna kar bilong yumi Planti pipol i baim bikos em i strong Na igat planti kain ius bilong en.

Yu ken iusim long karim pasindia wantaim kago. Karim pasindia wantaim kakau, kopra na kopi.

Draivim nupela Hilux

Nupela HILUX

IKAM LONG TOYOTA

Long ya 1984, Toyota i bringim gen nupela Hilux Nupela ensin em is strong na moa iet. Bun (Sasi) bilong em i strong moa iet.



Ol i penim ananit bai noken ros kwik Stail bilong em i moa iet Sia bilong sidaun i gutpela

Em nau, na Toyota Hilux long 4 x Wil i bun tru Bilong Papua New Guinea.

ELA MOTORS

TOYOTA

WHEELS FOR THE NATION

PORT MORESBY	21 7036	LAE	42 2322
MT HAGEN	52 1888	RABAU	92 1988
KIETA	86 6083	MADANG	82 2198
WEWAK	86 2255	KIMBE	93 5155
POPONDETTA	29 7240	GOROKA	72 1844
KAVIENG	94 2132	TABUBIL	



A MEMBER OF THE **BUITS HUP** AUTOMOTIVE DIVISION



COLLEGE OF EXTERNAL STUDIES

Going Places

High School at home - COES helps
you with your studies



COLLEGE OF EXTERNAL STUDIES

NO 91

College News

Dear Readers and Students

The College offers 2 kinds of mathematics for grade 9 and 10 - Practical Maths and Formal Maths. Many students ask us about these two subjects.

WHAT IS PRACTICAL MATHS?

Practical Maths is a special course designed to give basic knowledge and skill which would help in every-day life.

WHAT MATHS IS TAUGHT IN THIS SUBJECT?

Here is a list of topics contained in Grade 9 Practical Maths.

- Basic Arithmetic
- Invoice & Price Comparisons
- Postal & Telecommunication Charges
- Time
- Metric System
- Measurement & Estimation
- Ratios and Rates
- Statistics

Here is a list of topics in Grade 10 Practical Maths.

- Mathematic Aids - use of calculators and ready reckoners
- Maths to help with Trade Stores
- Maps, plans and drawings
- Budgeting
- Banking and Insurance

WHO SHOULD DO PRACTICAL MATHS?

Students who find mathematics difficult should do Practical Maths, some students might be ready to do Formal Maths.

WHAT IS FORMAL MATHS

Formal Maths is based on the High School Maths Syllabuses.

WHAT MATHS IS TAUGHT IN THIS SUBJECT?

Here is a list of topics contained in Grade 9 Formal Maths.

- Operations with Numbers
- Approximations/Estimations
- Mensuration
- Geometry of Plane Figures
- Solution of Equations
- Graphs of Straight lines & Parabolas
- Statistics

Here is a list of topics in Grade 10 Formal Maths.


- Construction of angles and shapes
- Use of squared and isometric paper
- Trigonometry
- Indices, scientific notation
- Algebraic formula
- Statistics

WHO SHOULD DO FORMAL MATHS?

Students who want to do studies in mathematics at a higher level such as UPNG or Teachers College, etc should do Formal Maths. Students will have to show that they are capable of doing this course.

If you have any queries about Maths, contact the COES Co-ordinator in your province or the Subject Department Head of Mathematics at COES Konedobu.

(Ms) B.S. MARTIN



Practical Maths



FORM 3 FORMAL MATHEMATICS

UNIT 13

Formal Maths

DEPARTMENT OF EDUCATION
COLLEGE OF EXTERNAL STUDIES
P.O. Box 170, Port Moresby



Are you a Grade 10 COES student?

Do you wish to register for the Grade 10 Provincial High School Exams for 1984?

Write to: Deputy Principal (Curriculum)
COES, Box 500, Konedobu.

Or telephone: 212311 ext 171.

- Give your (1) Name
- (2) Address
- (3) Current Grade 10 subject
- (4) Town in which you will take the June and October exams.

YOU MUST REGISTER BEFORE APRIL 21ST, 1984.



Our Neighbours - Part 1: "Countries on our borders"

This is a 5 part series. The next 4 parts are titled:-

Part II "Our Island Neighbours in the Pacific"



Part III "Our continental Neighbours in the Pacific"

Part IV "Links with our Pacific Neighbours"


Part V "Links with other countries"

Because Papua New Guinea is an important country in the Pacific, we have connections with many countries around the world. We have diplomatic relations with 60 countries already, so in these few pages we cannot cover them all.


Belau, Yap, the Caroline Islands and the Marshall Islands all belong to the Trust Territory of the Pacific Islands, under the administration of the U.S.A. Nauru is the other country that share our borders.



Solomons



Indonesia



Australia

Flags often tell quite a bit about a country's politics history and geography. Here is some information on our survey's flags.

THE SOLOMONS FLAG:

The top left of the flag is bright blue, representing the colour of the blue sky and the blue Pacific Ocean. The bottom right is green, the colour of the forests of the Solomons. In the blue half there are 5 white stars which represent the 5 main groups of island in the Solomons. The blue and green are separated by a thin yellow line.

THE INDONESIAN FLAG:

The top half of the flag is red, the bottom half white. These colours were the colours of

the 13th century Majaphut Empire and were first used this century by the Indonesian Nationalist Party in 1928. By coincidence this flag is the same as Monaco's flag. Monaco's colours belonged to its ruling family, the Grimaldi's, since the 14th century.

THE AUSTRALIAN FLAG:

The top left corner holds the Union Jack, the British flag. Under the Union Jack is a 7 pointed white star representing the 6 states and the Northern Territory of Australia. This star first had 6 points, as there were only 6 states in Australia. In 1906, the Northern Territory was formed and so, the star got its seventh point. The 5 stars on the right of the flag represent the Southern Cross. This is included to show Australia's location in the Southern Hemisphere.

SOLOMON ISLANDS

Geography:

Area: 27,556.59 km.
Land Distribution: 922 islands in a chain 1,450 km long.
Population: 1982 estimated 228,000
Melanesian 93.8%
Polynesian 4%
Micronesian 1.4%
Capital: Honiara on Guadalcanal.

History: Some main points.

1568 First European contact.
1870-1910 More than 10,000 people "blackbirded" for Queensland and Fiji.
1890 Germany gained control of the Northern Solomons along with North-Eastern New Guinea.
1893 Britain declared a protectorate over Southern Solomons.
1942 Japan occupied the main island and the Solomons became a theatre of war.
1965 First elections held.
1976 Self government granted and Peter Kenlorid became Chief Minister.
1978 7 July Independence.

Form of Government: Constitutional Monarchy.

Queen Elizabeth II is Head of State and is represented by a Governor-General. National Parliament is elected every 4 years, and it elects the Prime Minister. He chooses his Ministers to help him in running the government.

Economy:

Main exports: Copra, timber, fish, palm oil (value 1978 K25.6 million).
Main markets: Japan, United Kingdom, Singapore, Netherlands, Western Samoa, United States.
Main imports: Machinery and transport equipment, foodstuffs, manufactures (value 1978 K26. million).
Main suppliers: Australia, Japan, United Kingdom, Singapore, New Zealand.

Relations with Papua New Guinea:
Mr Jacob Kairi is PNG's High Commissioner to the Solomon Islands at Honiara.

INDONESIA

Geography

Area: 1,919,000 square kilometres. It is the world's longest archipelago with 13,677 islands.
Population: 147,490,300 (1980).
Capital: Jakarta on Java Island.

History - Some main points.

689 AD Kingdom of Srivijaya (Buddhism) Borobudur was built.
750-850 AD Kingdom of Majapahit and spread of Hinduism.
6th Introduction of Islam.
1602 Dutch took control of trade.
1825 Rebellions against Dutch government.
1908 Awakening of Nationalism.
1927 Establishment of Indonesia National Party by Sukarno.
1942 Japanese control of Indonesia island.
1945 Sukarno declared Independence for Indonesia.
1965 Military coup by Suharto. Suharto became president in 1966. He has been the president of Indonesia since 1966.

Type of Government: Republic. There are 920 members in the House of Representatives. Out of these, 50% are elected and 50% appointed. President is the Head of State and his ministers are responsible to him. The House of Representatives sit for 5 years. The Peoples' Consultative Assembly (2/3 appointed) must approve all policies to make them law.

Economy

Main exports: Crude oil, natural gas, timber, food, petroleum products and rubber (valued at K14,134 million - 1980).
Main markets: Japan, USA and Singapore.
Main imports: Machinery, rice, fertilizer, petroleum, petroleum products, iron and steel bars, chemicals, pharmaceutical products and automobiles. (Valued at K6,989 million - 1980).
Main sources: Japan, USA, Saudi Arabia, Singapore, West Germany, United Kingdom, Australia, Hong Kong and the Netherlands.

Relations with Papua New Guinea

Mr Brian Amini is our Ambassador to Indonesia in Jakarta.

AUSTRALIA

Geography: World's flattest continent and, after Antarctica, the world's driest.

Area: 7,682,300 sq.km.
Population: 15,000,000
European origins 19.9%
Asian origins 2%
Aboriginals 1%

Capital: Canberra in the Australian Capital Territory.

History: Some main points.

1606 First European contact.
1770 Captain James Cook took possession of the eastern part of New Hollandia (as Australia was then known).
1787 Captain Phillip arrived with 736 convicts to set up a colony.
1813 New Colonies begin to grow in different parts of Australia.
1850 Beginning of moves to self government in the colonies.
1853 Last convicts accepted in the different colonies
1891 Plans for a Constitution for a Federal Government for the 6 Australian colonies are made.
1901 The 6 colonies join together to form the Commonwealth of Australia.

Form of Government: Constitutional Monarchy.

Queen Elizabeth II is Head of State and is represented by a Governor-General in Canberra and a Governor in each of the 6 States. There are two chambers - the House of Representatives (elected every 3 years) and the Senate (elected every 6 years). The Prime Minister is the leader of the majority party in the House of Representatives and picks his ministers to help him in running the government.

Economy:


Main exports: Iron Ore, wheat, coal, wool, meat, sugar (value 1981, K15,000 million).
Main markets: Japan, United States, New Zealand, USSR, United Kingdom.
Main imports: Oil, electrical goods, vehicles, machinery, (value 1981, K14,800 million).
Main sources: Japan, United States, United Kingdom, West Germany.

Relations with Papua New Guinea: Sir Alkan Tololo is our High Commissioner to Australia in Canberra.


YUSIM GAS

**LONG JULAI, 1983 I GAT SAMPE
DIPATMEN BILONG MINERAL
YUSIM GAS, LEKTRIK PAWAN
KAIKAI. NA OL I PAINIMAUT OI**


- 1. PAIA BILONG GAS I MEKIM KAIKAI
I KUK KWIKTAIM TRU I WINIM
LEKTRIK PAWA O KARASIN.**
- 2. PE BILONG YUSIM GAS LONG KU
EM I 50 PESEN ANINIT LONG PE
BILONG YUSIM LEKTRIK PAWA M
33 PESEN ANINIT LONG PE BILO
YUSIM KARASIN.**



I HAT LONG PAINIM
PAIAWUT



EM I DIA TUMAS



I MEKIM PLA
I SLO TUM
BAGARAPIM

**Sapos yu laik kisim kopi bilong ol dispela wok painimaut na save moa lo
bilong yusim gas long kukim kaikai wantim gas: Raitim pas i go long Bo
Ltd., Box 1463, Mosbi. Telepon 21-4242**



Wantok kaikai wantok

Mosbi netbal komiti

Boroko netbal Asosiesen i makim Kewena Kendi wantaim Pole Kassman na Christina Chu i go bek gen olsem bosmeri bilong dispela sisen. Ol i bin makim Theresia Soweni olsem nupela bosmeri tu.

Bikpela ileksen ya i bin kamap long kibung bilong ol memba na pilaia long Sande, 25, Mas.

Ol nupela eksekutiv, em presiden Kewena Kendi, Vais Presiden Theresia Soweni, Seketeri Christina Chu, Pole Kassman na namba tu bilong helpim Pole em, Eva Kini.

I gat 3-pela memba komiti em Maka Ina, yaing Anubi na Henao.

Dispela em i namba 3 yia bilong Kewena long holim wok bilong presiden.

Dispela sisen bai i gat 96 netbal tim olgeta. Las yia i bin gat moa long 100 tim. Na i bin kamapim planti hevi tumas. Presiden Kewena Kendi i tok Rejes...esen fi i wankain olsem las yia. Bai wan wan pilaia i baim K10 ol skul studen bai baim K5.

Wanem tim i laik rejista bai ol i ken putim nem long Sarere, 31, Mas. Komiti i no inap long givim longpela taim long tim i rejista. Wanem 96 tim i rejista hariap bai i stap insait long pri-sisen gem.

Ol trail gem bai stat long namba 2 wik bilong mun Epril, bihain tasol long sofbal gren fainal bilong ol meri.



Lousaide Soka Klap (LSC) i kisim taim nogut long wantok bilong ol yet, Kiriwina.

Pilai namel long tupela tim ya i bin bringim planti manmeri bilong Milen Be i go long GFC Soka Graun long Mosbi.

Tasol ol sapota bilong LSC i no amamas tumas long lukim dispela pilai, bikos Kiriwina i autim ol, 2-0.

Tupela tim wantaim i bilong Milen Be Provins, Lousaide em i wanpela ailan na Kiriwina tu i wankain. Soka klap bilong tupela i gat wankain strong tasol.

Long pilai bilong tupela long Sarere Mas 24, Kiriwina i winim LSC bikos ol i namba wan lain long skoa. Olsem wanpela pilaia bilong LSC, husat i no laik givim nem bilong em i tok, "Tasol ol i skoim dispela namba wan gol, wan wan pilai bilong mipela i no moa amamas long pilai strong long difens."

"Mipela olgeta i tingting long bekim dispela gol. Olsem na mipela i no bin lukautim gut mak bilong mipela long seken raun na ol i putim narapela gol."

Namba wan gol bilong Kiriwina i kamap olsem 10 minit tasol long taim gem i

stat. Dispela gol i stap inap namba wan 35 aninit hap taim.

LSC i no pilai strong tumas na namba tu gol bilong Kiriwina i pinisim pilai bilong ol.

Olgeta hap soka graun long Mosbi i bagarap pinis long wara i kamap long bikpela ren. Ren bin pundaun strong tru long Mosbi long tupela wik i go pinis.

Long Sarere, 18 tim i no bin pilai bikos Bisini graun 1 na 2 wantaim Sir Hubet Mari Stadium i bin pulap long wara.

Ol 6-pela tim husat i mas pilai long GFC graun tasol i bin pilai. Long ol dispela tim, Rapatona 2 i bin lus nogut long GFC 2. Skoa bilong ol em 1-6.

Long narapela gem, PNGDF i autim Sobou 4-1.

Ol pilai long GFC graun tu i no bin gutpela tumas long wanem, ol hap, hap ples nabaut long fil i gat graun malumalu yet na sampela hap, wara i pasim les bilong kikim gut bal.

PNG Olympic Tim

PNG Spots Federesen i makim pinis ol pilaia bilong i go long Olimpik Gems long Los Anjalis, Amerika. Bikpela pilai bai stat long Ogas na pinis long mun Septemba.

Ol nem bilong pilaia em, Elanga Buala, Barbara Ingiro, Iamo Launa, Paiwa Bogela, Tau John Tokwepota, Lapule Tamean na kosa bilong ol Vuatha Kapa insait long atletiks.

Na long sut long banara, em Trevan Clough na Joesph Chan wantaim kosa bilong tupela Graeme Norris.

Tim Menesa bilong olgeta dispela PNG tim i go long Olimpik gem, em Mista John Dawinincura. Na tim menesa bilong atletiks tim em, Mista Peter Anderson.

Presiden bilong PNG Spots Federesen, Sir, Henry ToRobert bai i go wantaim dispela tim. Em bai makim PNG insait long kibung bilong Intenesenel Olimpik Komiti.

Mosbi Soka Waho - Kerepia I Pinistaim

HET bilong Mosbi Soka Asosiesen (PMSA) i bruk pinis. Husat i sanap nau olsem Presiden bilong PMSA? Husat i mekim wok Seketeri? We ol arapela memba bilong PMSA Eksekutiv?

Fraide nait 7:30 Mas 23 em i de bilong ol makim ol nupela eksekutiv bilong PMSA. Planti tok save i go raun pinis long redio na niuspepa tu, tasol dispela kibung i no karim kaikai.

I gat 62 soka klap olgeta long Mosbi, tasol long dispela namba wan kibung bilong 1984 i bin gat 17 klap mausman tasol i kamap. Namel long ol 12-pela primia klap long Mosbi, 3-pela tasol i bin salim mausman bilong ol long dispela kibung.

Ol dispela klap em Guria, Mopi na Taran-gau. Tripela arapela klap long primia divisen i kamap bihain long siaman bilong kibung i pasim pinis kibung.

Dispela em wanpela tok piksa i soim kain tingting na wok namel long ol presiden bilong ol klap long Mosbi na ol man i go pas long soka

asosiesen.

Husat bai sanap nau olsem Presiden bilong PMSA? Olpela Presiden Mista Pious Kerepia i tok pinis olsem em bai no ken holim dispela wok insait long narapela 4-pela yia moa.

"Em i tok, "Mi no ranawe long PMSA olgeta. Nogat. Mi gat planti wok long opis bilong mi yet long lukautim wok bilong ol yut na Wimen tu. Olsem na em i no stret long mi mekim tupela bikpela wok olsem."

Andrew Waho i bin tokaut pinis bipo olsem em i no laik mekim dispela wok moa. Andrew i bin risain long las yia, Ogas 15. Tasol bikos i no gat arapela memba bilong PMSA i laik holim wok Seketeri bilong PMSA, Andrew i bin helpim PMSA i kam inap nau.

Andrew Waho i bin seketeri bilong PMSA long taim ol memba i votim em long 1980. Long taim em i risain long Ogas 15, Andrew i bin raitim wanpela pas i tok olsem, "Wok bilong seketeri bilong PMSA bai ran gut sapos ol eksekutiv bilong PMSA i bung na wok wantaim. Mi mas tokaut tu olsem planti

• Andrew Waho

bilong yumi i no save kamap long taim bilong kibung bilong PMSA. Mi laik tok olsem namba tu Presiden bilong PMSA na namba tu man bilong bosim mani bilong PMSA tu ilusim PMSA. Long dispela taim tu sampela ol divisen kodineta i lusim wok bilong ol."

Long dispela pas bilong Andrew, em i tokim PMSA olsem planti mauswara toktok i bin kamap long komiti bilong ol tasol no gat wanpela bilong ol dispela samting olsem Mosbi Kosing Asosiesen, na Pemanen Seketeri/Bukman, na Nupela steium i bin karim kaikai.

Dispela pas bilong Waho i tokaut stret olsem long dispela taim yet, wok bilong PMSA i wok long bruk na pundaun. Pas i soim tu slek wok ilong PMSA long yia 1982 na namel bilong 1983.

Long Epril 4, bai gat narapela spesel kibung bilong PMSA i kamap. Dispela kibung i bilong makim ol nupela hetman bilong PMSA. Dispela bai namba tu taim PMSA i holim kibung long makim hetman bilong ol i go moa long pes 16



• Pious Kerepia

HARA KAP DRO

SARERE 30 MAS

Pul	Graun	Taim	Tim
1	Bisini 1	1.00	GFC V Gokata
		2.30	T'ngau V Bornd
		4.00	Maegin V Sunam 2
2	Bisini 2	1.00	K'kada V R'tona
		2.30	Mopi V Buresong
		4.00	Wanzesi V K'mani
3	HMS	1.00	Guria V T'bada
		2.30	Yuni V Westpac
		4.00	Waliya V Kusebo
4	GFC	1.00	Difens V G.F.C. 2
		2.30	K'wina V R'tona 2
		4.00	Sobou V LSC

SANDE 1 APRIL

5	Bisini 1	1.00	Kula V Godons H
		2.30	Korion V Difens 2
		4.00	Quang V Faze
6	Bisini 2	1.00	ANG V R'tona 19
		2.30	Kunta V Guria 2
		4.00	Batu Bros V Ali Utd
7	HMS	1.00	Watani V Murat
		2.30	Kumuls V Kunta 2
		4.00	Wanama V Baba
8	GFC	1.00	Mokawa V Stone Axe
		2.30	Sunam V Kumuls
		4.00	Youths V T'ngau



KAIKAI I KEN KUK KWIKTAIM WANTAIM GAS

Na tu, em i no dia tumas

Masda i wet long fainal

Pauline Laki

MASKI graun i malumalu Masda Kaps i no bin pilai kaskas na wilwilim gut tru Kapit, 10-3 long namba wan semi fainal long A gret sofbal bilong ol meri long Mosbi.

Masda nau wet long gren final.

Long dispela pilai skin na pes ilong ol pilaia tu i bagarap nabaut long wara, graun malumalu long ol bes na rot namel long ol bes.

Ampaiya, Joan Bampton na bes ampaiya, Ruth Tokome wantaim Kunie Tigilai i stretim pastaim ol bes. Long wanem moning taim ol A Risev tim Manolos wantaim Togelul bin pilai. Na man ples i luk olsem piki i slip o pilai, pilai i stap long en.

Ren i bin pundaun long nait na graun malumalu i luk olsem sup stret. Tasol ol sofbal pilaia i no wari long wanem ol i mas pinisim ol fainal na redi long gren fainal wiken.

Dispela tasol na Kapit wantaim Masda i mekim save insait long graun nogut. Pastaim tru Kapit i luk gut wantaim 3-pela skoa bilong ol long namba 3 ining.

Dispela taim Mary wantaim Rona Wanj i sanap long bes na Matilda Ludwick i hamaim bal i go aut na bringim tupela meri siksti i go long hom bes. Na bihain Florence Bundu i kisim Matilda i go hom. Tasol Florence i popaia long namel tasol taim 3 daun.

Na tarangu Matilda tu i pes meri tru long kisim taim long dispela graun malumalu long pes bes.

Em i laik slait i go long bes, maski yu husat sanap long we yet nogut sup bilong malumalu graun i kisim yu wantaim.

Em yet i go long namba 3 bes wan kain, kosa bilong Kapit Rosekekedo i sanap klostu ya i smelik liklik dispela graun malumalu tu. Na hia nau long dispela namba 3 ining bihain long 3-pela ran bilong kapit, ol Masda i no moa givim sans long ol. Kaps i lokim ap gut tru Kapit inap taim pilai i pinis long namba 7 ining olgeta.

Na Masda i gat wan-pela skoa tasol. Taim namba 4 ining i kamap long han bilong ol Masda. Em nau olgeta pawa bilong ol tu i kapsait. Masda pilaia i laik slekim dispela bal i go aut, i bringim 8 rana hom long nem bilong ol.

Ol kaunim narapela ran gen long namba 6 ining. Dispela i bringim Masda 10 skoa olgeta. Meri nogut Mary Pasingan, i no moa sanap long lep aut fil. Em sindaun lokim gut tru bal i gaitim pitsa Martha Kalas taim Mary i lokim bal olsem ketsa. Na ketsa bilong ol olgeta taim, ol i salim em i go aut long rait fil.

Masda i nogat wari long ol pilaia bilong em. Olgeta to pilaia, strong-pela bata olsem, Mary Pasingan, Martha Kalas,

Rebu Gabe, Nerrie Simba i stap yet. Na bai ol i stap insait yet long gren fainal tu. Ol i no gat wari long raitim na glasim pilai na ol pilaia bilong arapela tim tu.

Tasol Kapit i gat hevi taim ol pilaia i go aut. Ol i nogat strongpela bata tumas. Rona Wanj i save paitim bal tasol i save 3 daun long namel tasol. Anna Wagapu i narapela tasol las wik i wok long paitim i go antap isi long Masda i ketsim. Na Janice Robinson i save pilai long pes bes tu i gutpela long paitim bal na salim i go abrusim ol autfil pilaia Masda.

Bal tu i gat wara nabaut long em, ples i luk kranki olgeta. Dispela i mekim hat tru long pilai bilong tupela tim i ran isi long ol bes.

Masda nau bai sambai i stap long gren fainal long 7 Epril. Na Kapit mas failim o sapim gut bun bilong ol. Bai oli pilai wantaim wina bilong Sankaro na wanem tim pilai wantaim ol.

Malangan win

Malangan "A" gret tim bilong man i kisim sans long egensim 'king' Gasel insait long sofbal gren fainal long Mosbi long neks wik Sande, bikos ol i bin autim NGI 17-11 long las wik Sande.

NGI i bat pastaim insait long dispela hatpela pilai, tasol ol i no skoim wanpela ran insait long namba wan ining i go inap long namba 4 ining.

Fes besman bilong ol, Herman Varpin i givim hatwan long bal i go ausait long lepfil insait long namba 4 ining na larim Pius Romi i krungutim hom. Na skoa bilong Malangan i stap 10 na NGI 1 long dispela taim.

Taim Herman Varpin i hamaim bal ig o long lepfil, Joe Avuchalas husat i sanap lepfilda bilong Malangan i popaia long ketsim bal. Orait. Pious Romi i kam hom na Varpin i givim siksti i go sanap pinis long seken bes. Misiel Robinson i givim hatpela sef hit gen i go long sentafil na Varpin i ran long namba 5 gia stret long seken bes i go holim brek long hom plet. Tasol Malangan i go pas 10-2.

Pitsa bilong NGI, Nick Tata wantaim poroman

Stail bilong wina stret, i no pilai Manolos bata i taitim tru long givim sam long Togelul. Na ol i mekim save 37-7.



I luk olsem raun win i kisim rana bilong Masda long pes bes. Tasol nogat em graun malumalum ya. Susa ya i brumim tru wara antap long Janice Robinson bilong Kapit. Tasol tulet i sef na Masda i autim tru Kapit 10-3.

Rabaul Sofbal Nius

PRET bilong maunten paia long Rabaul i mekim na sofbal sisen bilong ol meri i no bin pinis gut las wik.

Planti pilaia i lusim Rabaul pinis na sofbal sisen long Rabaul i no bin smat tumas.

Presiden bilong Rabaul Wimens Sofbal Asosiesen, Cecelie Kaut i tok olsem dispela hevi i kamap nau long Rabaul na planti ol gutpela pilaia bilong ol i go painim narapela gutpela hap bilong sindaun. Planti i go bek long ples na long ol arapela provins bilong ol yet.

Em i tok tupela tim bilong ol meri i no moa pilai nau long wanem i no gat inap pilaia moa. Na ol tim i no bin pilai smat long stat bilong sisen i go kamap long gren fainal tu.

Em i tok ol stronpela tim i go daun long wanem ol ki pilaia bilong ol i aut pinis long Rabaul.

Ol meri long Rabaul i no painim hat tumas long painim mani bilong slaim tim i go long Madang. Las wiken ol meri i putim bikpela "Fan Resing Pati Dans" long Kokopo. Na hia ol i kisim moa long K2,000 olgeta.

Cecelie I tok, "Mipela i laki tru long painim bikpela mani olsem long wanpela nait tasol long wanem moa long dispela mani i kam long ol soldia na plisman na arapela pipel husat i sambai i stap

na mekim wok redi long dispela maunten paia."

Ol dispela kain hevi i mekim na tim bilong ol meri long Rabaul i gat planti pilaia husat i no bin pilai long bikpela sempionsip bipo. Planti ol gutpela pilaia i go nabaut pinis. Ol meri i salim K2,600 bilong ol pinis i go long Sofbal Federesen long stretim balus bilong ol i go long Madang.

Hia em nem bilong ol pilaia husat bai go long Madang.

Tim - Christine Uruna, Kwin Bai, Jenny Laut, Selina Rarap, Elsie Gire, Nancy Tanean, Relly Okley, Vuvung Oliva, Alice Tonga, Tekla Toon, Sally Mika, Anita Petrea, Vearity James na Betrude Bata.

Het Kosa: Paula Toliman, Namba tu kosa: Vuvung Oliva, Tim menesa: Salome White.

PNG Sofbal Kibung

BIKPELA Annual Jeneral Miting bilong PNG Sofbal Federesen bai kamap long Madang long Ista Fraide, 20 Epril, 1984. Na i gat singaut i go long wanwan Sofbal Asosiesen long makim mausman husat bai stap insait long dispela Anual Jeneral Miting.

Wan wan Sofbal Asosiesen i mas givim nem bilong tupela mausman husat bai kamap kendidet insait long ileksen bilong ol Nesanel Selektas.

PNG Sofbal Federesen i laikim eplikesen bilong ol memba long wan wan Sofbal asosiesen long pulim-apim ol posisen i

stap daunbilo:-

1. Nesanel Tim Menesa (Man)
2. Nesanel Tim Menesares (Meri)
3. Hetkosa (Man)
4. Hetkosa (Meri)
5. Asisten Kosa (Man)
6. Asisten Kosa (Meri)
7. Trip (Tour) Menesa (Man)
8. Trip Menesares (Meri)

Las de bilong ol dispela nem i kamap long PNG Sofbal Federesen em long Fraide, 6 Epril, 1984. Na wanwan sofbal asosiesen i mas hariap na salim ol dispela nem na aplikesen bilong lain pilaia o mausman bilong ol i go long dispela adres:

SOFBAL DRO - OL MAN SANDE 1 APRIL 1984

DAIMON 1

TAIM	TIM	REPERI
9.00	Nissan GZ V NGI	R.Ratia D.Lager L.Palvu
10.00	Karanas V Yokomo	R.Tenor
12.00	YMCAAD V Mazda Kaps	N.Tata G.Madao
2.00	NissanGZ V Yokomo	D.M'tin K.Y'gata
4.00	NissanGZ V Avdev ML	J.Tokome A.Hara

Ol Skoa

Daimon 1
NissanGZ 6 YMCA 4
Karanas 17 ESA 8
NissanGZ 10 Mazda Kaps 11
BP Elcom 6 Yokomo 11
NGI 11 Avdev ML 17

Semi fainal dro ol meri

SARERE 31 MAS, 1984


DAIMON 1

TAIM	TIM	REPERI
10.00	Sankaro Agogol 1	J.B'ton
12.30	N.Datsun V Douglas	M.Karo
2.30	Togelu V Sankaro	M.Kalas
4.00	Kapti 1 V Winner 10.30	J.B'ton

/Gasel 1 winner

Ol Skoa

Masda 10 Kapits 3
Manalos 23 Togelu 7
Insurens 11 Douglas 3
N. Datsun 16, Taubar 15



Malangan Vs Gasel

Mosbi sofbal gren fainal

Bikpela sofbal gren fainal long mekim ol sapota na pilaia i belsut na lewa i guria bai kamap insait long Mosbi long dispela Sande, 1 Epril, 1984.

Namba wan pilai long 8 klok moning insait long "E" gret resis bai lukim Gasel i salensim NGI. Gasel i bin lus 11-9 long NGI, taim ol i resis long semi fainal long tupela wik bipo. Tasol Gasel i autim strongpela tim, YMCA-adkol 6-4 na i promis long bekim dinau na memeim NGI nau.

Tasol Gasel i mas lukaut. Long wanem NGI i kisim gutpela malolo na i bin luk stil long kain pilai bilong Gasel pinis. Na ol i luksave long ol mistek we Gasel i bin mekim. Long dispela as tasol, i

luk olsem NGI bai holim pairapim bat long bal wantaim Yokomo insait long resis bilong "B" gret long 10 klok moning. Yokomo i bin abrusim Karanas 9-8 long tupela wik bipo. Tasol Karanas i tanim tebol na daunim ESA 17-8 long las wik na i no inap marimari long Yokomo nau.

Sapos yu ting olsem Yokomo bai krungutim Karanas insait long Bisnis pilai long dispela Sande, bai yu popaia stret. Bikos Karanas i no inap larim Yokomo i semim ol namba tu taim gen. Na Yokomo i mas traim hat moa long daunim olupela birua na kamap king

(Lephan) Oloboi! Dispela stail bilong litimapim bat na wipim bal i bun tru bilong Chris Bais ya. Em i bin hamaim bal i go longwe tru long lepfil na skoim hom ran na helpim Malangan long abursim NGI 17-11.

(Daunbilo) Hei! Isikel Riman, maski luk daun apim het na wipim bal. Nogut ketsa bilong NGI, Ron Rolly i subim bal long bel bilong yu na autim yu. Riman i ketsa bilong Malangan tu na i no seksek, bikos tim bilong em i winim NGI 17-11.

long dispela divisen bilong ol.

Long "C" gret resis long 12 klok apinun bai lukim YMCA-Adkol i seksekim blut wantaim Mazda Kaps insait long namba 3 pilai. Mazda Kaps i laki tru long abusim Gasel 11-10 long las wik na i mas lukaut long YMCA-Adkol. Long wanem YMCA-Adkol i bin abrusim Gasel 11-8. Dispela skoa i soim olsem YMCA-Adkol i gat liklik moa strong i winim Mazda Kaps.

Sapos yu tingting long tromoi bet long dispela resis, yu mas tingim ol dispela lain pilai husat i kisim skul anit long Carl Hopkins bilong Admin Koles. Em bai yu winim bek dabol prais.

Namba 4 resis long 2 klok apinun i putim Yokomo long hamaim bun wantaim Gasel insait long pait bilong "B" gret. Gasel i bin autim Yokomo long semi fainal, tasol Yokomo i kirap na wilwilim namba tu tim, Elkom 11-6 long las wik. Na man husat i

mekim Yokomo i winim pilai, em sempion pitsa Samuel Ikilik. Dispela pitsa i gat nem insait tu long trening skwat bilong ol man long Mosbi.

Olsem katres

Ol pilaia bilong Gasel i mas lukaut long kain stail bilong Ikilik husat i save swingim bal olsem katres. Bikos em i gat biknem insait long "B" gret divisen long autim planti birua bata long Ke-tu tasol. Sapos lain bata bilong Gasel i slek, sori tumas, ol i ken baibai log sans bilong litimapim primiasip tropi long dispela Sande.

Orait. Bikpela resis we olgeta sofbal sapota na pilaia i wet long lukim bai kamap namel long Malangan na Gasel insait long "A" gret sofbal pait long 4 klok apinun. Lapun waspapa bilong Gasel "A" gret tim, Jack Pidik i bilip strong olsem bai tim bilong em i kamap king. Tasol i gat tokwin i raun long las wik Gasel olsem Malangan i ken

wilwilim Gasel isi tru.

Pidik i tokaut long dispela wik Mande olsem em wantaim lain pilaia bilong em i sambai long sailain na lukim Malangan i autim NGI 17-11. Na ol i luksave long planti asua em Malangan i save mekim. Na ol bai yusim kain kain trik long mekim Malangan i putim kamap ol dispela asua gen.

Pidik i tokaut tu olsem lain pilaia bilong em i lain yangpela man tasol husat i pilai long "B" gret na kam antap long "A" gret long dispela sisen. Na ol bai egensim Malangan husat i gat planti lain pilaia i bin pilai long "A" gret kompetisen planti yia bipo.

Tasol lukaut gut! Long wanem kain toktok bilong skrapim bel na tok baksait insait long ples bilong resis i ken mekim tupela tim i bam na bagarapim dispela hatpela sofbal gren fainal resis.

Ben Wauns

m raun wan

pundaun long namba 5 ining na mekim graun i malumalu na i wel. Bal tu i wel na lain infil pilaia bilong Malangan i painim hat tru long stapim ol rana bilong NGI.


Inap NGI i daunim Malangan, Sapos Nick Tata wantaim ol infil pilaia i no bin slek na paul nabaut long taim bilong ketsim bal na tromoi i go i kam. Ol i mekim planti asua tumas na larim Malangan i pilai kaskas na krungutim bes olsem wara i ran stret long namba wan ining.

NGI i skoim tupela ran long namba 4 ining na narapela 9-pela ran insait long namba 6 ining tasol. Malangan i bin skoim 6-pela ran insait long namba wan ining, wan ran long namba 2, 3

na namba 5 ining, tupela ran long namba 4 na 6-pela ran long namba 6 ining.

Ampaia Johnbili Tokome i stapim pilai namel long namba 6 ining taim Malangan i bat bihain long NGI. Ren i wok long pundaun long dispela taim na san i wok long surik i go daun na ples i tudak liklik. Na i luk olsem NGI i no inap tekova long Malangan.

Kosa bilong Malangan, Henry Kila wantaim ol pilaia na sapota bilong oli amamas tru na kalap kalap nabaut na singaut bihain long taim Tokome i stapim pilai. Kila wantaim lain pilaia bilong Malangan i promis long givim hatwan na larim Gasel i kisim wankain mekim save olsem NGI





PHANTOM

comic


Pantom namba 784 em wanpela nupela stori bilong diana Palmer. Diana i bin stap wantaim Pantom olsem pren meri bilong em tasol. Nau long dispela stori, tupela i marit na wok wantaim long Bengali, siti klostu long bikbus em Pantom i save stap long en. Long dispela taim tasol, namba wan bikpela wok bilong Diana bin kamap. Diana i wok long traim kalabusim ol rabisman na em yet i painim bikpela birua tru. Pantom i no stap long helpim em. Bai Diana i mekim wanem nau? Nogut em i dai? Ritim Pantom Komik namba 784.

No. 784

Gutpela kakaruk kamap strong olsem



Emi kaikai gutpela strongpela kaikai. Olsem taem yu kukim na kaikai bai yugat planti strong moa. Yu ken paenim dispela kain kakaruk long Niugini Table Birds na wantaem ol bik pela stoa.



Niugini Table Birds

Mit bilong em gutpela tumas.



Madang redi long nesanel sempionsip

Olgeta wok long lukautim ol pilaia husat bai kamap long nesanel sempionsip long Madang i redi pinis.

Long pinis bilong dispela mun bai planing komiti long Madang i tok save long dispela provins bihain long ol i pinisim gut olgeta liklik wok.

Wanpela komiti memba Mista John Soia i tok, ol i kisim pinis nem bilong 442 pipel husat bai go long sempionsip. I gat tupela nupela tim husat bai kamap long dispela sempionsip. Ol tupela tim ya i kam long Mendi na Ok Tedi. Na bai i gat tim bilong ol man na meri wantaim.

Sempionsip komiti i no kisim toktok stret long Not Solomons long wanem dispela provins i gat tupela asosiesen. Wanpela i stap long Arawa na narapela long Panguna. Na tupela sofbal asosiesen wantaim i laik salim tim.

Dispela i no stret aninit long lo bilong Nesanel Sofbal Federeesen. I mas i gat tupela tim tasol i kam long wanpela provins. Wanpela tim bilong man na narapela tim bilong ol meri.

Komiti long Madang i wet yet long Not Solomon Provins i stretim dispela hevi bilong ol long wanem ol i mas salim tupela tim tasol i go long nesanel sempionsip.

John Soia i tok long Madang i no gat wari. Ol i stretim pinis ples bilong ol pilaia na ol opisa bilong slip.

Ol pilaia bai slip long ol domotri na klasrum bilong ol studen long Madang Teknikal Koles, Tusbab haiskul, Para Medikal Koles na Divine Wod Institut.

Ol i makim pinis olsem 4-pela daimon (sofbal fil) pilai graun long Divine Wod Institut.

John i tok komiti i kisim pinis tok orait i kam long ol bos bilong dispela skul na koles long yusim ol klasrum, domotri na pilai graun bilong ol.

Em i tok tu olsem bai no gat wari long trans-

pot long wanem ol dispela bikpela skul i stap klostu tasol. Na ai ol pilaia i wokabout tasol i go long ol pilai graun.

Narapela provins i no givim tok stret long Madang sempionsip komiti em Wes Nu Briten.

Seketeri bilong Nesanel Sofbal Federeesen, Moses Pupun i wet yet long ol memba na pilaia husat bai go long nesanel sempionsip long givim mani bilong baim balus bilong wan wan tim long go long Madang.

Moses i mekim wok bilong Tresara nau long wanem meri i save bosim mani, Mabata Moang i no mekim moa dispela wok.

Moses i tok 13 sofbal asosiesen husat bai salim tim bilong ol i go long Madang i mas salim K2,600 i go long Federeesen. Wanpela asosiesen i mas givim K2,600. Na sapos ol manmeri i stap aninit long wanpela sofbal asosiesen long provins em bai ol salim K5,200.

Air Niugini bai givim 20 pesen diskaun.

Mosbi Man Sofbal Skwat

EKSEKETIV Komiti bilong Mosbi Mans Sofbal Asosiesen i bung long las wik Trinde na i makim 23 man insait long sofbal trening skwat.

Dispela lain man insait long trening skwat bai stat mekim trening long olgeta namel long dispela wik na long narapela wik bihain tu. Na bihain ol bai katim namba bilong dispela 23 man i go daun long 15 man tasol husat bai go pilai long Nesanel

Sofbal Sempionsip resis long Madang long Ista Holide wiken.

Ol Pitsa

Patrick Pilak - Gasel
Oswald Tolopa - Elkom
Ron Utul - Gasel
Sikel Emaus - Kabiu
Nick Tata - NGI
S. Ikilik - Yokomo

Ol Infilda Pilaia

David Kaputin - Kabiu
Marika Tako - Gasel
Dostain Homerang - Malangan
Pius Romi - NGI

Sam Malum - Kabiu
Wesley Peni - Gasel
John Takapan
Malangan
Chris Bais - Malangan
Joel Matage - Chebu
Paul Timbe - Gasel

Ol Autfil Pilaia

Maijai Dotti - Kabiu
James Gom - Kabiu
Alphones Burat - Gasel

Ol Opisal Bilong Skwat

Kosa - Ron Rolly
Asisten Kosa - William
Daniel
Tim Menesa - Joe Bae

i kam long pes 13

Olpele Presiden bilong PMSA, Mista Pious Kerepia i tok, ol memba i mas lukluk gut tru na makim Presiden, namba tu presiden na seketeri bilong PMSA long dispela yia.

"Kerepia i tok, Mi laik ol dispela nupela eksekutyutiv memba bilong PMSA i no mas sapota bilong wanpela klap long Mosbi Soka Asosiesen. Ol dispela memba i mas gat strongpela tingting long mekim wok long promotim soka long Mosbi. Ol i mas gat tingting long givim bikpela taim bilong ol long soka."

Mista Kerepia i tok, i gat wan wan man insait

long PMSA husat i gutpela long ai bilong em long holim ol dispela wok. Tasol em i no laik kolim nem bilong ol nau. Nogut em i bagarapim laik bilong ol memba bilong PMSA long givim vot bilong ol long husat man ol i laikim.

Em i tok, "Mi bai stap long arere. Sapos PMSA i laikim helpim bilong mi, bai mi ken helpim ol. Mi no lusim PMSA olgeta. Mi lusim sia bilong mi tasol. Tingting bilong mi em bilong helpim husat manmeri o asosiesen olsem PMSA, sapos ol i askim mi long helpim ol."

Het bilong PMSA i bruk pinis, long wanem, ol i no gat strong moa long

bungim olgeta prima klap long kamap long kibung. Ol presiden bilong ol klap tu les pinis long wok bung wantaim ol eksekutyutiv bilong PMSA. Ol i wari nau long lukautim klap bilong ol yet. Planti bilong ol i wok long lusim bilip long wok bilong PMSA.

Las wik Presiden bilong Mediks Soka Klap, Thomas Yambai i tok olsem, "Mi no bilip olsem PMSA i bihainim tingting bilong em long promotim ol nupela pilaia na klap long Mosbi. Na seketeri bilong PMSA, Andrew Waho i tokim Yambai long joinim Reperi Asosiesen bilong Mosbi.


LONG 1984!

DISPELA WOK PAINIMAUT EM
 S NA ENESI I MEKIM LONG
 A KARASIN LONG KUKIM
 LSEM: **TINGTING GUT NAU**
— YUSIM GAS TASOL!

EM I STAP NAU
 LONG STUA

DISPELA NUPELA GAS STOV I GAT TUPELA MAUS
 BILONG LAIT. NA I GAT LIKLIK HANDEL MASIN
 BILONG PASIM NA OPIM GAS, GUMI PAIP, KLAM
 BILONG HOLIM PASIM GUMI PAIP, WANPELA 4.5
 KILOGRAM BOTOL BILONG PULIMAPIM GAS
 WANTAIM GAS SAPLAI NA OTOMATIK WIK BILONG
 LAITIM STOV

K64.50




HARIAP NAU I GO LONG OL DISPELA STUA:

PORT MORESBY
 Boral gas (PNG) Pty Ltd
 — Napa Napa Rd, Kanudi
 1st floor, Mogoru Moto Building
 Champion Pde, Port Moresby
 Brian Bell & Co Pty Ltd
 Turumu St, Boroko

Carpenters New Guinea Co Ltd
 — Home Appliance Centre, Boroko
 Courts Furniture Pty Ltd
 — Spring Garden Rd, Gordons
LAE
 Boral Gas (PNG) Pty Ltd
 — Sletford St, Lae

Carpenters New Guinea Co Ltd
 — Home Appliance Centre, Lae
MADANG, MT HAGEN, GOROKA
 Carpenters New Guinea Co Ltd
 Arawa Bougainville
 Bodeco Building Supplies
 Arawa, Bougainville



NTI DOTI,
 AS NA I
 KAIKAI

ng gutpela rot
 al Gas (PNG) Pty



Tools For Teachers

TEACHING AIDS: *Maths Games*

NAME OF GAME: QUINCE

TOPIC: Computation


GRADE LEVEL: Grade 6 (MaCS Units 234)

GRADE 5: (McCS Units 176)

TIME: 20 minutes

Number of Players: 2 or 4

Materials Needed: 4 sets of 11 cards numbered 0,1,2,.... 15 (64 cards altogether).




(need for sets)

OBJECTIVE: To have most cards at the end of the game.

RULES:

1. Shuffle the pack.
Deal each player an equal number of cards.
Each player puts his packs face down in front of him.
2. The first player turns over a card and puts it face up in front of his pile. The other players do the same.
3. As soon as a player sees the two or more exposed (turned up) cards add up to 15, call out "QUINCE". He can then pick up the cards that add up to 15 and put them beside him. Leave the other cards where they are.

Example:



$$7 + 7 + 1 = 15$$

Sample game

The player who says "QUINCE" first would take the three cards (7,7,1).

4. Continue taking turns putting out one card on each turn. Watch carefully for cards that add up to 15.

5. When all the cards have been turned over, each player counts the number of cards he has captured. The one with the most cards wins.

OTHER WAYS TO PLAY: Could be played using Subtraction, Multiplication or Division.

QUINCE CARDS

0	0	0	0
1	1	1	1
2	2	2	2
3	3	3	3
4	4	4	4
5	5	5	5
6	6	6	6
7	7	7	7
8	8	8	8
9	9	9	9
10	10	10	10
11	11	11	11
12	12	12	12
13	13	13	13
14	14	14	14
15	15	15	15

WEB BOOKS

Educational book publishers and suppliers.
Your local suppliers of low-cost high quality books.

Check our prices.

We offer attractive trade terms to retail outlets.
Mail order (free postage and packing) to educational institutions.



WEB BOOKS
P O Box 1385, Port Moresby, N.C.D.
Telephone 25 2214



Amamasim De Bilong Ol Meri

NO GAT planti meri i kamap long makim Nesenel Wimens De long Mosbi long Sarere, 24 Mas. Wanpela bikpela risen em bikos gavman i tokaut long dispela de olsem pablik holide long sotpela taim tasol.

Liklik ren i bin pundaun tu long Mosbi na planti grup bilong ol meri i no redi.

Nesenel Kaunsil ov Wimen i bin putim aut kain kain program bilong ol meri i resis, singsing na soim ol kain samting long Sir Hubert Murray Stadium long Konedobu.

Pauline Laki

I no gat wanpela bikpela lida i givim toktok long dispela de. Programi soim ol man tasol. Na minista bilong ol Meri, Yut, em Mista Tom Awasa, Dairekta bilong dispela Opis, Mista Pious Kerepia tasol i givim toktok long makim dispela de.

Mista Kerepia i tokim ol meri dispela de olsem ol i mas stapim dispela ol kain kros pait i save kamap namel long ol wimens grup. Na ol i mas sindaun na wok gut.

Dispela de tu i statim K1 kempin long traim kisim K1 i kam long wan wan meri long kantri. NCW i bin putim bikpela 'pati long Papua Hotel long nait long 24, Mas yet. Insait long dispela nait moa long K2,500 i

bin kamap.

Minista bilong Provinsal Afeas, Mista John Nilkare i bin givim toktok na opim dispela bikpela K1 painim mari kempin.

Long Nu Ailan Provinsal Gavman i statim pinis helpim ol meri long dispela provins wantaim K200, long dispela de bilong ol.

Long Isten Hailans Provins, ol meri i bin amamasim dispela de long Okapa long wanem i bin i gat wanpela kos i bin kamap long dispela eria. Na planti ol meri long Isten Hailans insait long Provinsal Gavman i bin go bung long Okapa.

Long Is Nu Briten ol meri i mekim save wantaim bikpela mumu na pilai, singsing wantaim, manmeri pikinini long Fraide, 23, Mas long Pila Pila Viles, dispela em i Green Zone eria na i longwe long ples bilong maunten paia.

Ol meri long Is Sepik tu i bung wantaim long Fraide, 23 Mas. Planti meri i wok long Is Sepik Dipatmen i tokim *Wantok* olsem olgeta meri long

gavman dipatmen i bin i go. Tasol planti ol meri husat i wok long kampani i no kamap. Long wanem ol bos bilong kampani i no larim ol i go.

Long dispela wik bikpela kibung bilong ol Provinsal Kaunsil ov Wimen bilong Niugini Ailan rijin i kamap nau long Arawa, Not Solomon Provins.

Long dispela kibung, namba tu lida bilong Oposisen, Pater John Momis, i tokim ol meri olsem ol i no ken larim Nesenel Kaunsil ov Wimen tasol i traim long helpim ol meri long ples. Em i tokim ol meri olsem olgeta yet i mas bung wantaim.

Long kibung bilong Nesenel Ko-odineting Komiti las wik long Mosbi planti ol sios grup olsem CWA, YWCA na Morobe Wimens Asosiesen i tok strong tru olsem dispela aidia bilong K1 kempin bilong NCW i no inap givim helpim long ol meri long ples.

Tokmeri bilong dispela komiti, Misis Fungke Samana askim bilong wanem tru bai ol meri i



Ol dispela bikmanmeri i kamap long bung bilong Saina meri insait long Waigani long las wik Fraide. Long raithan sait i go long Iephan, em Ambasada bilong Saina insait long PNG, Mista Hu Hongfan, Hetmeri bilong ol meri deliget i kam long Saina, Mis Wang Qingshu, wanpela memba bilong ol Saina Wimens Federesen (ACWF) na narapela memba bilong ACWF Seketeriet Opis. I go moa long Iephan em Gavana-Jeneral, Sir Kingsford Dibela, Lady Dibela na meri bilong Ambasada bilong Saina, Misis Hongfan.

stap longwe olsem long ol aut stesin na viles bai givim dispela K1. Em i tok ol dispela meri i no save kisim helpim i kam long NCW. Em i tok ol meri long Morobe bai i no inap tru long givim K1 bilong ol.

Provinsal memba long Morobe Provinsal Gavman, Misis Anie Moitz tu i tok olsem dispela pasin NCW i wokim i wankain olsem sanap wokabaut long rot na singaut long mani.

Em i tok bilong wanem bai kisim K1 i kam long ol meri husat i no gat mani. Taim olgeta yia nCW i save kisim helpim bilong mani i kam long gavman.

Em i tok ol viles meri yet i no gat mani tu long ranim liklik wok bilong ol.

NCW i laik wokim bikpela senta bilong ol meri long Mosbi olsem na ol i laikim dispela kempin.

Pater Momis i tok, planti meri bilong ples i mekim bikpela wok bilong stretim ol graun, lukautim famili na bikpela wok bilong ol long kamapim wokmani long kantri i no kamap long buk bilong gavman.

Eksekutiv Opisa bilong NCW, Misis Nelly Lawrence i lusim Mosbi long 28, Mas i go long Arawa long i stap insait long dispela kibung.

Pundaun Na Dai

WANPELA man bilong Saure Viles long Is Sepik Provins i bin pundaun long haus long Konedobu na em i dai.

Nem bilong em Leo Mowiromo. Em i wanpela aprentis bilong dipatmen bilong Woks na Saplai long Mosbi.

Leo i bin wok antap long nupela haus bilong gavana jeneral long 26 Mas na em i pundaun. Ol bagarap em i kisim bihain long taim em i pundaun i kilim em.

pasin sindaun namel long liklik pikinini na mama bilong em.

Susu Mama grup bilong Pot Mosbi bai bung wantaim dispela meri long CWA haus, long 2, Epril.


Susu Mama bai mekim bikpela kaikai tru long Misis Philips long dispela de. Em i raun long holide tasol. Nau em i raitim wanpela buk gen. Insait long buk ya em laik toktok long ol Susu mama na ol arapela meri husat bai kamap na stap long dispela kaikai.

Susu Mama

Misis Virginina Phillips i wanpela meri Australia, em planti pipel i save long wanem em i gat nem long ol buk bilong em nau i kamap pinis long planti hap long wol.

Misis Philip i save raitim buk, i gat kain kain pasin na we bilong lukautim ol liklik pikinini na givim susu long ol. Em i bin raitim planti buk long ol

PLANTI HALIVIM LONG HONDA



GENERETA SET


LONG KISIM PAWA OLGETA TAIM MAKIM HONDA

- LIKLIK NOISE
- I STRONGPELA
- ISI LONG KARIM RAUN
- I KOS LIKLIK LONG RONIM

MEKIM WOK BILONG BURUKIM GIRAUN I ISI YUSIM HONDA TILA

- NOGAT BIRUA
- ISI LONG YUSIM
- EM INO HEVI TASOL I STRONGPELA



TILA



LONG PAMIM GUT NA STRET — YUSIM HONDA WARAPAM

- LIKLIK TASOL MOA PAWA
- ISI LONG OPERETIM
- LIKLIK MENTENENS

WARAPAM



ENSIN BILONG KAINKAIN WOK SENISIM OLPELA ENSIN WANTAIM WANPELA HONDA

- OL I WOKIM GUT NA STRONG
- INO HEVI
- MOA PAWA NOGAT NOIS

KWALITI BILONG HONDA BAI ISTAP LONG TAIM

Long moa toksave long HONDA PAWA PRODAKS — sekim Steamships Machinery istap kolostu long yu o ol Honda dila nambaut.

HONDA — EM OL I SALIM NA SEVISIM LONG

Steamships
MACHINERY

NA TU LONG OL HONDA DILA NAMBAUT LONG PNG.

HEB 2102

Mining bilong Munomuno

Dia Edita - Mi laik bekim pas bilong Binsan Alihinda em i kamap long Wantok namba 510. Binsan i bin askim long mining bilong Munomuno.

Dispela hap tok Munomuno em i no gat as. Em i toktok nating tasol. Na yu bilong wanem hap tru na yu laik save long mining bilong Munomuno?

Yu tok ol man Wosera i save karim baket pekpek long Lorengau taun na tok ples Munomuno.

Mobeta yu no ken daunim nem bilong Wosera nating. Ating ol man bilong ples bilong yu i save mekim dispela wok long Lorengau taun.

Christine Bisik, Meri Wosera, Maprik.

Sik bilong ileksen

Diä Edita - Mi wanpela ful sapota bilong wanpela independen kendidet bilong Yangoru Sausia bai ileksen. Mi bin lukim sampela samting em ol narapela kendidet i bin wokim na nau ol i wokim yet na mi ting i no stret long ai bilong mi.

1. Ol i no ting long helpim narapela kendidet husat i save wokabout long rot bilong kempein. Mi tok long ol man i save raun long ka.

Insait long kempein, maski yu bilong wanem pati yutupela i ken go wantaim. Em i samting bilong ol pipel bilong tingting na skelim wanem tok bilong wanem pati o wanem man ol i ting em i gutpela long ol i vot long em.

2. Ol kendidet i save tok kros na tok baksait long arapela kendidet na ating mobeta ol pipel i no ken votim kain man olsem. Ol kain man olsem em ol spakman, paulman na ol bisnismen. Long taim dispela kain man i raun long kempein, ol i

save sutim nus bilong papamama na grisim ol long votim em.

3. Sapos ol kain man olsem i harim liklik giaman toktok long wanpela kendidet i mekim wanpela rong em nau ol i save putim nating long nus na daunim poin bilong tarangu ya stret.

Ol dispela pasin i kamap nau long kempein bilong Yangoru Sausia na mi lukim olsem em i no stret na mi raitim dispela pas.

Tok Save i go long ol man i save salim pas long Wantok. Sapos yu no putim nem tru bilong yu long pas mipela i no inap prinim leta bilong yu.

Sapos yu wanem man o meri kendidet i bel hevi long tok bilong mi orait, rait o lukim mi long em hap kona long Yangoru na askim.

Charles Tennyson, Independens sapota, Wewak.

Kirapim

Dia Edita - Mipela gat bikpela wari olsem Nesanel Gavman i no tingting long ol pipel bilong Not Solomon Provins. Bilong wanem tru na Nesanel Gavman oltaim i save tok i no gat mani. Mani bilong kantri i save go we tru?

Oltaim provinsal gavman bilong Not Solomons i save askim

long kisim sampela mani bilong wokim nupela NBC Redio stesin bilong mipela na oltaim nesanel gavman i save giaman na tokpilai long gavman bilong mipela olsem, na go mani. Mipela ol pipel bilong Not Solomons Provins i wanem kain pilai samting bilong yupela?

Dispela lapun redio

stesin bilong mipela oltaim i save bagarapim na i givim mipela planti hevi tru bilong wanem? Bikos redio em i bikpela rot tru we mipela ol pipel i stap longwe, i save toktok long ol arapela wantok bilong mipela.

Mipela ol manmeri long ples i save harim redio long save wanem samting gavman i mekim. Mipela i laik harim toktok

50 toea asosiesen

Dia Edita - Mi laik save gut long tingting bilong ol man bilong Ilaka viles long hap bilong Kabwum.

Yupela i gat wanem kain save o tingting na yupela i mas go antap long Morobe Provinsal Gavman Opis. Ol i tok bai 50 toea i kisim gavman na lukautim Morobe Provins.

Ol i kolim grup bilong ol long Motu Asosiesen. Tasol mi laik askim gut na save, dispela nem 50 toea o Motu Asosiesen i bin stap we na nau em i guria long senisim gavman. Mi ting yupela i no gat save liklik long ranim gavman.

Nogut yupela i mekim olsem bai yupela i bagarapim nem bilong Kabwum. Na tu bilong wanem na yupela i stap Wasu-Kabwum rot taim rot i kamap long Ilaka? Ol misin o ol wokman bilong gavman i laik go wokim sampela wok long ples bilong yupela na yupela i save tok olsem yupela inap pinis long lo bilong gavman na ol kain kain lo.

putim pipia.

Mi man bilong ples. Tasol wan wan taim mi laik go raun long taun, mi save lukim ol kain pasin olsem i kamap. Mi tu mi laik Kainantu taun i mas klin olsem ol arapela taun long kantri.

Silas Kapita, Akura Viles, Kainantu.

Na tu yupela i save tok bilas long ol man husat i save wok long hap bilong yupela. Yupela i save tok olsem ol i wok long nem bilong 50 toea. Yupela i go moa yet na tok olsem olgeta man i wok insait long Papua Niugini em ol wok long nem bilong 50 toea tasol.

Sapos yu wanem man i bel hat long pas bilong mi orait yu tu yu wantok bilong ol. Het bilong yupela i olsem mi tok pinis.

Ziqemu K, Guring, Lae.

Watpo Tupela Pe

Dia Edita - Mi gat bikpela wari tru long Jant Kampani i save givim liklik mani long hap wokman bilong em long rural eria long Trans Gogol long Madang Provins.

Mi wanpela wokman bilong Jant Kampani na mi stap 7-pela yia olgeta long dispela kampani. Na pe bilong mi em K38.26 tasol. Mi no amamas tru na mi raitim dispela pas. Inap long Madang Provinsal Gavman i lukluk long dispela hevi bilong mipela o nogat?

Mi askim nau, bai husat tru i helpim mipela long dispela wari. Long wanem, mipela katim diwai long bus na salim long taun sipmil, na ol i mekim kamap ol pipia plang na salim long ol kantri. Em i luk olsem mipela bus wokman na taun wokman, i wokman bilong wanpela kampani tasol. Maski long wanpela kampani i bruk tupela hap na mekim olsem.

Long bus, mipela save kisim K50 na i kam daun. Na ol wokman bilong taun i save kisim K50 na i go antap. Mipela ol wokman bilong bus i no amamas tru long dispela kain we bilong tilimaut pe.

Kollenn Abu, Jant, Madang Provins.

Klinim Kainantu


Dia Edita - Mi raun long kainantu taun na mi lukim planti pipia i pulap long rot nabaut na arere long ol stua tu. Mi laikim Kainantu Taun Kaunsil, o Isten Hailans Provinsal Gavman i mekim wanpela lo long kalabusim ol manmeri husat i save tromoi pipia nabaut long taun.

Sapos ol manmeri i brukim dispela lo, ol mas baim Kainantu Taun Kaunsil long sampela mani. Nogat, bai ol i go long kot na kalabus inap sampela taim.

Mi bilip olsem dispela

lo bai stapim planti manmeri long tromoi nating pipia nabaut. I bin gat bikpela kempen i kamap long Kainantu taun, i askim ol manmeri long tromoi ol pipia bilong ol stret long ol rabis dram long rot na klostu long ol stua. Tasol kam inap nau, ol pipel i paul nabaut pinis.

Kainantu Taun Kaunsil tu i mas putim planti pipia dram long rot na klostu long ol stua. Dispela tu bai helpim ol manmeri. Ol bai no inap wokabout longwe long painim dram bilong



Mi laik save

Moa soldia

Dia Edita - Mi laik sapotim Mista Godfrey Jipiare long Wantok. Em i tok olsem, gavman i mas kisim ol gret 6 drop aut manki na mekim ol i kamap soldia tu.

Mipela ol gret 6 manki i stap nating long taun na sampela bilong mipela i stap long siti. Na mipela i wokim wanem?

Raskol. Olsem na gavman i mas lukluk gur long dispela samting. Tingting gut na kisim ol yangpela manki husat i stap nating. Olgeta yangpela manki i wet i stap. Long taim yu askim, "Husat i laik joinim ami?" Bai ol i pulap stret.

Gavman i mas tingting gut na kisim moa soldia i go insait. Yu ting dispela 4,000 soldia bilong PNG em i bikpela populesen?

Sori tumas! Vanuatu na Indonesia i gat bikpela ami i stap. Olsem na gavman, wekap na kisim sampela gret 6 manki i go joinim ami. Em i nem bilong PNG na wok bilong en bilong lukautim graun bilong yumi.

Kisim ol dispela manki na tisim ol long lesen o asasait na wanem kain samting bilong ami. Na taim birua i kamap long yumi, em nau yumi redi pinis.

Chris Kadi, Badili Grasrut,

Dia Edita - Mi wanpela bai bilong Witipi namba tu viles long Is Sepik. Long ples bilong mi i gat wanpela meri em i bin karim tripela pikinini.

Long taim dispela meri i karim ol pikinini ol i bin slip long bel bilong mama olsem:

Namba wan em i gutpela pikinini. Namba tu em gutpela pikinini tasol ol i bin putim dispela pikinini i go insait long plastik beg na pulimapim wara i go pulap tru. Na ol i bin samapim maus bilong plastik. Na mama i karim namba tri pikinini stret.

Dispela tripela pikinini i bin dai long de em mama i karim ol. Mi no save bilong wanem tru na dispela meri i karim tripela pikinini. Dispela em i sain o mak bilong wanem samting tru bai kamap long dispela graun?

Mi tingting planti. Nogut emi mak bilong bikpela long kam bek gen. Ol meri i no save karim tripela pikinini. ol i save karim inap wanpela o tupela. Ol i no save gat 30 moa pikinini.

Charles Lim, Kieta.



PREN BILONG YU INAP OLTAIM

CALLING ALL BANDS WE SELL

- amplifiers & speakers
- drumsets, sticks, skins
- guitars; electric; bass and ordinary
- strings & keys
- Music Books
- na ol kainkain samting long music

BATTERY GUITAR AMPLIFIERS

- * Lead Rythem — K75.00
- * Bass — K90.00
- * Special Lead Rythem — K95.00

ROOK'S RADIO
PO BOX 191 LAE
behind B.P.
PH-42 4616

NBC stesin

em planti ol bikman na saveman i wokim long redio.

Olsem na mipela ol pipel bilong Not Solomons Provins i askim nau nesene gavman long tingting long mipela tu.

Not Solomons Provins tu i save kamapim bikpela mani bilong PNG. Tru mipela i save kamapim bikpela mani, tasol provins bilong mipela i no

gat mani na gutpela samtingstret. Mi askim ol komiti bilong nesene gavman long kam raun lukluk long provins bilong mipela na lukim long ai bilong ol stret.

Mi tin golsem, redio stesin bilong mipela em i no stesin tru, em i wanpela studio nating tasol. Sapos yu kam stap long Not Solomons Provins, bai yu kros

nogut tru. Bilong wanem bikos dispela liklik sterio i save bagarap oltaim. Ating planti manmeri long Not Solomons bai kirap brukim redi bilong ol long haus na kirap na tok nogut long ol ananusa.

Hamas yia i go pinis mipela i bin sakim long wokim nupela redio stesin. Tasol mi sem tru. Maski long yu pinisim

mani long raun nating long ol kantri nabaut. Yupela kisim mani we na go long ol ovasis trip?

Mi ting ol provins i bun tru bilong kantri, na not Solomons em i baksait bun stret bilong PNG. Tasol dispela provins tu i no gat mani stret.

James Dori, Pai Albert Toro, Kieta, NSP.

Tok Ples Inap Nau

Dia Edita - Mi laik givim fulsapot bilong mi i go long husat brata na susa i laik ol i tambuim tok Kote na Yabim long Redio Morobe.

Dispela tupela tok ples i bilong Finsafen tasol na watpo bai ol i yusim oltaim long Redio Morobe. Dispela redio stesin em i no bilong ol pipel bilong Finsafen tasol. Em i bilong olgeta pipel insait long Morobe na ol dispela pipel bilong ol arapela provins husat i laik harim stesin bilong yumi.

Tok Yabim em ol man bilong bus ol i save tok Yabim olsem tok ples nambis. Na long nambis ol i save kolim Kote olsem bus. Dispela tok Yabim i kamap long nambis long Fins. Na bihain nambis i kam long Lae. Na tok

Kote em i kamap long bus bilong Fins yet. Na bihain bus i go long Pindiu Sialum, Kabwum olsem na mi ting dispela tok em i bilong bipo tru ating 80 o 90 yia i go pinis.

Dispela tok ples i no moa stap long olgeta hap bilong Finsafen. Mi yet i bilong Fins long Sialum sab distrik tasol mi no save laikim na tu mi no klia long dispela tok ples. Na tu planti pipel i no laikim dispela tupela tok ples. Ating ol liklik lain tasol i save laikim dispela tupela tok ples.

Mi harim dispela tupela tok ples i save mekim doti long redio olgeta de olsem na mi laik bai ol i mas rausim dispela tupela tok ples.

Kana Kungke, Boroko.

Salim buai long Morobe Provins

Dia Edita - Mi no amamas long lukim ol man bilong Hailans i baim buai long Morobe Provins na salim long Lae. Ol i mekim olsem na ol pipel bilong Morobe Provins yet i no salim buai insait long maket bilong ol.

Ol man bilong Hailans, sapos yupela i laik baim buai long Lae, yupela i mas kisim i go long provins bilong yupela stret na salim.

Hia long Lae, mipela i gat planti buai bai mipela i kisim na salim long maket long Morobe Provins. Bilong wanem na yupela i salim buai insait long maket bilong mipela? Ating yupela i no

Sapos yu gat wari o askim salim i kam long Laiplain Box 6047, Boroko.

gat buai long ples bilong yupela?

Dispela kain pasin bilong salim buai insait long Lae siti i mekim planti pipia tru long taun. Planti manmeri nabaut i salim buai insait long olgeta strit bilong Lae na i wokim planti pipia tru.

Long siti kaunsil i save hatwok long raunim yupela long dispela pasin. Tasol yupela i no harim tok liklik.

Kisa Wanzin, Lae, Morobe Provins.

Tok Save i go long ol man i save salim pas long Wantok. Sapos yu no putim nem tru bilong yu long pas mipela i no inap prinim leta bilong yu.

Namba wan kaikai bilong Esia

Dia Edita - Mi bin harim rong toktok tru bilong Kaka Dreks long Wantok Niuspepa namba 509. Brata no gat tingting bilong yu, yu tok rais em i namba wan kaikai bilong Esia na ating yu nogat ah?

Yu tok ol i gat kain kain rais, sapos kantri bilong yumi PNG baim rais long ol orait ol i mas salim gutpela rais i kam insait long PNG. Planti manmeri i komplek long Esia Rais na yu olsem wanem tru na yu tok em gutpela rais.

Brata, ating yu stat kaikai rais long 1980 olsem na rais i wok long swit tru long yu yet. Olsem na yu no save yet olsem wanem rais i gutpela na wanem i nogut. Ating lain bilong yu long haus i save kuk na givim yu, yu save givim baksait long ol. Tasol yu yet i no save em i gutpela o nogut.

Mipela manmeri i no laikim dispela rais na yu olsem wanem tru? Yu tok i gat 5-pela kain kwaliti rais, sapos ol i gat, olsem ol mas salim gutpela rais. Brata ating yu wanpela ministra ya, olsem na yu go

raun lukluk long Esia na yu lukim 5-pela kain rais bilong ol. Ating nau ol i salim ol dispela rais long kantri bilong yumi a yumi save givim ol dispela kwaliti rais i go long kakaruk bilong yumi.

Olsem yu tok Esia i gat 5-pela kwaliti rais na mi mekim dispela tok long yu. Brata, yu mas traim tingting wantaim narapela ol lain pipel orait yu raitim pas i go long edita bilong Wantok Niuspepa. I no ken putim tingting bilong yu yet.

Mi tokim yu, dispela Esia Rais em i no gutpela rais, na planti manmeri i ting wankain tasol.

Gabriel Gebara, Wewak, ESP.

Laikim Pren

Dia Edita - Mi gat 27 krismas na mi gat bikpela laik tru long painim wanpela pren pren long PNG. Sapos husat man o meri i laik rait long mi orait salim pas i kam long dispela adres.

Peter Wekia, P.O. Box 1050, Arawa, NSP.

Laplap i smat

Dia Edita - Mi laik bekim pas bilong Mathew Ambou i kamap long Wantok Niuspepa namba 506. Ambou i no amamas long lukim ol man wantaim ol meri long Wes Nu Briten Provins i pasim laplap na wokabaut raun.

Ambou i bin tokaut olsem em i bin raun long olgeta hap bilong PNG na i lukim ol meri tasol i save pasim laplap. Na ol man i putim ol trausis tasol. Dispela toktok i no tru.

Em i tokaut tu olsem em i bin kam long Kimbe insait long Wes Nu Briten Provins na i kirap nogut tru long lukim ol meri na man wantaim i pasim laplap. Na em i sem long lukim ol man i pasim laplap.

Mi mas tokaut long Ambou nau olsem em i laik bilong wanwan manmeri. Yu no baim laplap na givim long ol dispela man long Kimbe i pasim na raun long rot o

biktaun. Watpo na yu komplek nating?

Sapos wanpela man i laik pasim laplap o trausis, em i laik bilong em. I no gat wanpela aslo i tokaut olsem laplap em i bilas bilong ol meri na tambu long ol man i pasim laplap. Na Ambou i lainim dispela nupela lo bilong em long wanem kain bikpela skul tru na i laik putim kamap nau long PNG?

Laplap i namba wan bilas tru ya. Ol meri i luk stail moa wantaim laplap. Na ol man tu i luk smat taim ol pasim laplap gut tru na spin long bikrot. Laplap em i enitaim stret. Man na meri i luk smat long taim ol i pasim laplap na danis i raun nabaut.

Ambou i tok olsem em i bin raun long olgeta hap bilong PNG. Man, ating em i bikpela mauswara stret ya. Bikos planti manmeri bilong Rabaul o insait long Is Nu Briten



Provins stret i save pasim laplap oltaim. Ating Ambou i no bin kamap long Rabaul yet, laka?

Pasin bilong pasim laplap em i stail bilong olgeta kantri insait long Pasifik. Ol man na meri tu i luk nais wantaim laplap.

Yupela ol arapela manmeri i ting wanem? Laplap em i smatpela bilas bilong man na meri tu, laka? Sapos Mathew Ambou i no laik lukim ol man i pasim laplap, em i ken go bek long asples na haitim pes bilong em. Na sapo em i les long trausis tu, orait, em i ken yusim ol target.

Francis M. Ruma na Leslie J. Hulakil, Buka Basis, NSP.



ISUZU
PAOA
N.G.M
ISUZU



kwila
INSURANCE
CORPORATION
LTD.

PORT MORESBY: 25 8811
LAE: 42 2492, 42 2599

- Life - Endowment
- Fire - Motor Vehicle - Marine

**Suite 16 2nd Flr., Hugo's Bld.,
Boroko, PO Box 1457**

**Suite 11 1st Flr., James Arcade,
Lae, PO Box 1407**

Mani ken wok

Olgeta man i save laikim mani bilong ol long baim bikpela samting bilong givim ol gutpela sindaun.

Wanpela potnait pe i no inap long baim wanpela nupela ka nau tasol. Tasol dispela mani inap baim wanpela ka sapos yu haitim gut i no long bus o aninit long graun tasol insait long ol bisnis haus.

Planti man i save pinis long wok bilong ol beng insait long Papua Niugini. Sapos yu no laik bai ol stilman i brukim haus bilong yu na stilim mani bilong yu, ples bilong haitim dispela mani em beng. I no isi long stilim mani long wanpela bbeng, tasol bikpela samting em taim yu putim mani bilong yu insait long beng yu laik mekim mani bilong yu long gro.

Taim yu putim mani bilong i go insait long kriapim wanpela wok, dispela pasin em ol kolim "invesmen." Being em yet em i wanpela bisnis. Wanem mani yu putim i

go insait long beng em yu wok long surikim wok bisnis bilong beng. Beng i yusim dispela mani bilong yu long givim ol arapela men husat i laikim dispela mani. Beng i givim dinau long ol na sasim ol long interes.

Taim ol man i bekim bek dinau bilong beng ol i mas putim liklik moa mani wantaim dispela mani em olibin dinau long en. Beng i save tilim dispela win mani i go long husat man i gat akaunt wantaim beng. Long dispela we mani yu larim long ben i gro.

I gat tupela rot bilong sevis mani bilong yu long beng. Wanpela em bai yu putim mani bilong yu i go insait na yu ken rausim dipela mani bilong yu long enitaim. Dispela kain invesmen i save kisim liklik interes tu.

Narapela rot bilong sevim mani bilong yu em long putim bikpela mani liklik long beng. Tasol pastaim yu mas tok orait olsem bai yu no inap hariap long autim dispela mani long ben.

Beng bai yusim

dipela mani long wok bilong em. Hap bilong win mani em beng i kisim i kam bek bai i go bilong surikim mani i stap long akaunt bilong yu. Sapos yu laik baim ka bihain, mobeta yu traim dispela rot.

Olsem na taim yu putim mani i go insait long beng yu wok long "investim" mani bilong yu. Mani bilong yu i bilong kirapim wanpela wok long narapela hap. Beng i kisim dispela mani na em tu i "investim" insait long wanpela projek. Mani i no stap long wanpela hap, em i wok long raun.


Wanpela bisnis em yu ken investim mani bilong yu insait long en em Seving na Lon Sosaiti. Sapos wanem wok man i gat laik long dispela em i mas pulimapim wanpela fom. Insait long dispela fom man ya i mas tokaut long hamas mani em i laik bai ol i mas rausim long pe bilong em long olgeta potnait.

Long dispela we yu wok long sevap tu. Yu memba pinis bilong dispela grup.

BENK BILONG YUMI ...

IGAT OLOGETA KAIN BENKING SEVIS LONG
OLOGETA HAP LONG KANTRI BILONG YUMI.

KAM NAU NA LUKIM MIPELA TEDE LONG KISIM TOK
SAVE LONG OL KAIN KAIN PASIN BILONG BENKING.



STORI BILONG FAIPELA LIKKIK PIK NA PAPA BILONG OL

1

PAPA BILONG NAMBA WAN LIKKIK PIK...

2

PAPA BILONG NAMBA TU LIKKIK PIK...

3

PAPA BILONG NAMBA TRI LIKKIK PIK...

4

PAPA BILONG NAMBA FOA LIKKIK PIK...

5

PAPA BILONG NAMBA FAIY LIKKIK PIK EM I SMATPELA MAN.

.. I PLANIM MANI LONG GRAUN.

... I BAIM WANPELA KA.

I PUTIM MANI BILONG EM INSAIT LONG HAUS.

I PUTIM OLGETA MANI BILONG EM INSAIT LONG WANPELA BENG.

EM I BAIM SEA LONG INVESTMEN KOPRESEN.

BUS I KAMAP BIKPELA TASOL MANI BILONG EM I NO KAMAP BIKPELA.

TASOL EM I SAVE LUSIM BIKPELA MANI TRU LONG SEVISIM KA.

OL POROMAN I KAM LONG HAUS NA PAPA I YUSIM MANI LONG BAIM BIA.

TASOL PRAIS BILONG OLGETA SAMTING I SURIK ANTAP MOA.

WINMANI BILONG OL SEA I GO ANTAP MOA NA PAPA I KISIM 13 TOEA WINMANI BILONG WAN WAN SEA.

YU SAVE WANEM SAMTING KAMAP? TARANGU PAPA BILONG NAMBA WAN LIKKIK PIK I NO PAINIM MANI BILONG EM, NA EM SINDAUN SORI I STAP.

NA BIHAIN NUS BILONG KA I KIS WANTAIM AS BILONG DIWAI NA PAPA WANTAIM PIK I SORI TRU.

NA MANII PINIS OLGETA. TARANGU PAPA I SINDAUN SORI WANTAIM LIKKIK PIK BILONG EM.

TARANGU PAPA WANTAIM LIKKIK PIK I WET INAP LONG WAN YIA OLGETA NA I NO GAT GUTPELA SAMTING I KAM BEK LONG BENG.

PAPA I AMAMAS TRU LONG HOLIM SEA WANTAIM INVESTMEN KOPRESEN NA TUPELA SMATPELA PIK.

RAITIM PAS I GO LONG:- MENESA, INVESTMEN, KOPRESEN, P.O. BOX 155, MOSBI.

DIA SIR,

SALIM SAMPELA GUTPELA ROT NA WE BILONG WINIM BIKPELA MANI WANTAIM FAN BILONG INVESTMEN KOPRESEN.

MI LAIK BAIM SEA INSAIT LONG FAN BILONG INVESTMEN KOPRESEN.

Putim Mak Long Wanem Rot Yu Laik Bihainim.

BAIM FUL SEA

BIHAINIM PLEN BILONG RAUSIM MANI INSAIT LONG PE OLGETA TAIM

NEM

ADRES

YU KEN RINGIM DISPELA TELIPON NAMBA


21 2855
NA ASKIM LONG

JOHN PAIWU O
JOHANES HAPA



INAP MI TOKAUT LONG WANEM AS TRU NA NAMBA 1, 2, 3, NA NAMBA 4 PIK I SINDAUN SORI WANTAIM BELHEVT YES! PAPA BILONG OL I SALIM OL GEN I GO LONG NARAPELA MAN LONG KILIM OL NA KAIKAI. TASOL NAMBA 5 LIKKIK PIK I AMAMAS TRU - BIKOS PAPA BILONG EN I GAT BIKPELA MANI NA I BAIM NARAPELA PIK!

YU NO KEN WET - MEKIM SAMTING HARIAP, NOGUT MANI BILONG YU BALUS NATING - NAMBA WAN ROT YU KEN MEKIM NAU - EM YU MAS SALIM PAS LONG INVESTMEN KOPRESEN



STRONPELA ISUZU PIKAP

Planti paoa, Isuzu pickap laik bilong yu. Petrol o disol, igat 3 pela kain bodi, 2 o 4 wil draiv na 3 o 6 sita keb.

Istap nau long New Guinea Motors long, Port Moresby, Lae, Kieta, Rabaul, Kimbe, Mt Hagen, na Tabubil.

ISUZU PAOA long New Guinea Motors



Ansa 84 Konfrens



LONG Mande 25 yangpela man bilong Kristen Gutnius Senta long Korobosea i bin lusim Mosbi na wokabaut long Kokoda trel i go long Popondeta.

Oli laik wokabaut i go kamap long Lae long stap insait long wangepela miting bilong sios na yut em ol i tingting long kolim SOLUSEN '84.

Dispela yut grup ya em i namba wan bikpela grup tru long wokabaut long bus rot bilong Kokoda bihain long namba tu wol woa i pinis.

Kokoda trel i gat nem long rekot bilong wol bikos bikpela pait tru i bin kamap long dispela hap namel long ol soldia bilong Japan na Australia long taim bilong namba tu wol woa.

Oli dispela yangpela man husat i wokabaut

long rot ya i go bilong pait tu. Tasol ol i laik pait long nem bilong Jisas. Oli no karim gan. Baibel tasol i stap long han bilong ol.

Jisas i wok strong insait long laip bilong ol dispela yangpela man na givim ol strongpela tingting tru bilong go long miting ya long Lae. Dispela yut grup bai i wokabaut i go long ples klostu long Lae - we ol i ken kalap long sfp na sel i go long Lae.

Het tok bilong miting long Lae em ANSA '84. Planti hevi i wok long painim kantri bilong yumi olsem na dispela bung bai toktok long sampela ansa em baibel i gat bilong stretim sindaun insait long Papua Niugini na long wol.

Kristen Gutnius Senta grup bai i autim tok bilong baibel i go long ol pipel i stap long

ol ples klostu long bus rot bilong Kokoda i go inap long Popondeta.

Oli bai kisim sip long Popondeta na go long Lae. Long taim ol i laik go bek long Mosbi bai ol i bihainim dispela rot gen i kam bek.

Planti memba bilong Kristen Gutnius Senta i nogat wok. Tasol wan wan memba i bin putim K20 na grup bilong ol i bin putim sampela pilai bilong kamapim mani bilong salim grup bilong ol i go long Lae.

Oli meri husat i memba bilong Kristen Gutnius bai kisim balus i go long Lae na olgeta man bai i wokabaut. Lida bilong ol man husat bai i wokabaut em John Harry. Em i ting ol bai lusim 6-pela de long rot bipo long ol i kamap long Popondeta.

Ansa '84 bai i stat long Epril 26 na bai i ran long 1-pela wik.

Nogat Dring

DIA LAIPLAIN

Man bilong mi na mi yet i no save dringim strongpela dring. Na mipela i no laik kirapim wangepela ba insait long haus bilong mipela. Na mipela i no gat laik long lainim pasin bilong miksim ol strongpela dring na wain.

Long taim ol man i kam long lukim mipela na mipela i laik amamasim ol, inap mipelai tokim ol olsem mipela i no inap givim ol strongpela dring?

Laiplain i ting olsem wanem? I gutpela long mipela i tokim husat man i laik lukim mipela long bringim dring bilong ol yet o nogat?

DIA PREN,

Planti pipel insait long Papua Niugini i save pilim olsem sapos ol i no dring em bai ol i no inap amamas. Dispela kain tingting em i bagarapim

laip bilong planti man long tude. Dring i kamapim sindaun nogut insait long planti famili. Na tu dring i save mekim planti man i sot long mani.

Olgeta wik Laiplain i save kisim planti pas i kam long ol pipel husat i gat hevi long pasin bilong dring. Na nau mipelai amamas long kisim pas i kam long wangepela meri em i no save dring tasol em i save amamas yet long laip bilong em.

Yupela i save abrusim strongpela dring yupelai soim gutpelasin long ol pren na wanwok bilong yupela.

Sapos yu na man bilong yu i no save dring yupela no ken saplai strongpela dring long taim yupela i laik amamasim ol pren. Pren bilong yupela i mas save pinis olsem yupela i no save dring olsem na ol bai save olsem taim ol i go long haus bilong yu ol bai no inap dring.

Em i no gutpela pasin long ol pren i bringim dring i go long haus bilong yu sapos yu no tok

orait long ol. Sampela taim ol bai kirapim trabel na bagarapim tingting bilong arapela pipel.

Wok bilong givimaut dring em i bilong husat man i bosim haus o pait. Yu ken givim sof dring o wara bilong prut long husat man i kam long haus bilong yu.

Long taim yu laik amamasim ol pren yu mas mekim olgeta man i amamas. Yu yet i laik olgeta man i stap long pati bilong yu i bung wantaim na wan bel na amamas long wanem kain kaikai na ol samting yu givim ol long pati.

Planti pipel i save laikim ol pati bikos ol inap bungim ol arapela pipel long kain bung olsem.

Taim ol pipel i bung long kaikai o amamas yumi kolim dispela pati. Pati em i no min ples we ol man bai painim dring na spak. Olsem na yu no mas wari tumas sapos yu no givim strongpela dring long husat ol manmeri i go long haus o pati bilong yu.

MI LAIPLAIN.

Lapun skulim yunivesiti studen

Papua Niugini i no luk olsem em i redi pinis long salim ol graun suspen, makmak olsem pes tambaran na ol arapela kaving i go long ol ovasis kantri.

Tasol taim i kamap pinis bilong ol saveman bilong mekim ol dispela samting long Papua Niugini long go long ol yunivesiti long ovasis long skulim ol studen.

Lapun Waga Miridz bilong Madang, husat i gat 63 krismas nau bai go daun long Hamburg Yunivesiti long Jemani long skulim ol studen. Em bai skulim ol studen long pasin tumbuna bilong PNG, na ol kain kain senis i wok long kamap long kantri stat long taim bipo, we no gat waitman i kam yet long PNG.

Pasta bilong Lutheran Sios, Theo Ahrens i stretim rot bilong Miridz long go long Jemani. Tasol em i tok bai i gat wanpela senis bilong Miridz long Jemani i kam long PNG.

Dispela man em Profesa Eckart Otto. Na emi bosman bilong dipatmen bilong "Old Testamen Stadi" long Hamburg Yunivesiti. Profesa Otto bai skulim ol studen long Melanesien Asosiesen Ov Teknologijel Skul long Lae. Em bai stap long Lae inap 6-pela wik.

relisen i bin mekim long ol pipel bilong PNG.

Miridz bai toktok tu long pasin bilong ol waitman na olsem wanem dispela pasin i wok long pait egensim pasin bilong ol tumbuna bilong yumi. Em bai toktok tu long ol bilip bilong tumbuna bilong yumi, na wanem samting bilong ol waitman na tumbuna bilong yumi i wankain.

Miridz i tok, "Dispela tok piksa bai helpim ol studen long save moa long pasin bilong yumi. Mi bilip olsem long taim ol i kam olsem misineri long PNG, ol bai toktok long ol pipel long pasin bilong PNG stret na traime mekim ol samting olsem yumi manmeri bilong PNG i save mekim."

Pasta Ahren i tok olsem em yet i bin painim taim long namba wan taim tru em i kam long PNG. Olsem na em i tingting long kisim wanpela PNG man i go long Jemani na wanpela Jemani man i kam long PNG, long tok save long pasin bilong ol pipel long hia.

Em i tok tu olsem, ol studen long Jemani i laik tru long stadi long pasin bilong ol kantri i wok long develop yet. Na PNG em wanpela kantri ol i save lukluk long en.

Pasta Ahren na Miridz i kisim tu olupela poto bilong PNG taim bipo. Na bai ol i soim long ol studen long yunivesiti. Miridz i tok olsem em bai

brukim taim bilong em long skulim ol studen long tupela hap.

Wanpela hap em bai toktok long ol insait long klasrum, na narapela hap em bai bung wantaim ol na larim ol askim em long wanem kain samting ol i laik save long PNG.

Bikpela hevi bilong Miridz nau em long tok Inglis. Em i no save gut long Inglis, tasol Pasta Ahren i save gut long Tok Pisin na em bai tanim tok long ol studen.

Pasta Ahren i tok i ggat planti man bilong kantri Afrika i wok long skulim ol relisen studen bilong yunivesiti long Jemani long 1970. Na em i tok ol dispela man i bin go long skul.

Nau em i namba wan taim tru, wanpela man bilong viles stret i go long dispela yunivesiti long toktok long ol studen.

Pasta Ahren i bin kam long PNG long 1971. Em i stap long PNG inap 7-pela yia nau. Na em i bin bungim Waga Miridz na tupela arapela pren bilong em, Tanok Galopi na Pasta Kaus Kio long Astrolabe Be long Ma-

dang Provins. Tupela arapela pren bilong Miridz i dai pinis.

Pastor Ahren i bin stap tripela yia long Madang. Na bihain em i bin go wok long Melanesien Institut long Goroka long 5-pela yia. Em bin raitim wanpela buk long kain pasin bilong PNG olsem em yet i bin painimaut. Em i bin askim tu Miridz long tokim em moa long pasin bilong tumbuna bilong PNG.

Dispela buk bilong Pasta Ahren i mekim ol studen long Hamburg Yunivesiti i laik tru long lainim moa long ol pasin bilong PNG pipel. Olsem na Pasta Ahren i kisim Miridz i go long Jemani. Em yet tu i save wok tisa long dispela yunivesiti sampela taim.

Miridz em i marit na i gat 10-pela pikinini. Em i no save gut long krismas bilong em, tasol oltaim em i save tok olsem em i gat moa long 60 krismas. Em i bilong Lalok Viles long Madang.

Miridz i bin lukim planti ples long PNG long taim bilong bikpela pait. Em i bin skul tripela



• Theo Ahrens (lephan) na Waga Miridz.

mun long wanpela Jeman skul long Madang bipo long namba tu bikpela pait i kamap. Ol Jeman i bin lusim PNG long go bek long kantri bilong ol bikos bikpela pait long Jemani i bin kamap long dispela taim.

Miridz i bin raun long wanpela haus sik bot long taim bilong bikpela pait. Em bin go long Mauns, Is

na Wes Nu Briten, em i raun long ol ples long Niugini bikpela long karim ol man husat i kisim bagarap long pait i go long Finsafen na Lae.

Long taim ol Japan i bomim sip bilong em Miridz i bin joinim ol soldia na pait long graun i go antap olsem long hap bilong Hailans.

Sande lotu

Frank Mihalic

4 SANDE BILONG LEN 1 Epril 1984

I gat stori bilong wanpela liklik hap kandel. Tudak i laik kamap na wanpela man i laitim liklik pipia kandel na i wok long go antap long wanpela longpela lata.

Liklik kandel i askim man, "Yu bringim mi i go we?"

"Mi go antap long ruf bilong ol haus, na mi laik soim rot long ol bikpela sip i laik kam insait long basis."

"Tasol i no gat wanpela sip inap long lukim liklik lait bilong mi," kandel i tok. "Lait bilong mi i liklik olgeta."

"Maski. Yu no tok olsem," man i tok. "Yu lukautim gut liklik lait bilong yu. Mi gat wok long en."

Orait, nau tupela i kam antap long lata bilong laithaus pinis, na wanpela draipela lam i stap. Em i gat ol bikpela glas lukluk insait na dispela i tromoim lait i go longwe long olgeta hap. Nau man i kisim liklik kandel na i laitim bikpela lam. Bikpela lam ya i tanim i go i kam, na ol kepten bilong sip i hepi na ol i lukim gut rot i kam insait long basis.

Yumi wan wan i olsem dispela liklik kandel. Taim yumi kisim baptais, God i laitim dispela kandel. Em i wok bilong yumi long lukaut bai oltaim liklik lait ya i stap na i no indai.

Sen Pol i tok olsem long Efesus 5, 8 i go inap long 14. "Bipo yupela i tudak. Nau Bikpela i stap wantaim yupela na yupela i tulait. Yupela i mas wokabaut olsem man i gat lait."

Nau Sen Pol i tok: laitim na lait bilong em i mas mekim gutpela wok. Long wanem, lait i save helpim planti samting nabaut long kamap nais na karim kaikai. Yu lukim lait bilong san i pulim ol nupela kru i kamaut long graun na i putim lip. Lait i mekim olkain grinlip samting i gro. Lait i opim ol plawa. Lait i mekim ol prut bilong tri i mau.

Olsem tasol na lait bilong yu i mas helpim ol manmeri long kamap gutpela. Lait bilong yu i ken soim rot long ol. Lait bilong tok bilong yu i ken strongim bel

bilong ol na ol i ken groap gut.

Sen Pol i skul moa olsem: Man i gat lait, em i save glasim gut olkain pasin. na lait bilong em i semim olkain pasin tudak i stap nabaut long em. Em i sutim lait ong ol na ol i no ken hait moa. Nogat. Ol i sanap ples kliia na ol i sem.

Man i holim lait bilong God, em i save yusim gut dispela lait. lait i helpim em. Em i olsem wanpela man i go baim singlis i stap long wanpela kona bilong stua i tudak olgeta. Man ya i kisim dispela singlis pastaim na bringim i go ausait long san, bai em i ken lukim gut. Man bilong lait em i olsem liklik boi i apim wanpela ston. Tulait i kam insait nau na ol binatang samting i ranawe i go. Ol i laik hait long tudak. Tulait em i birua bilong ol.


Bikos san i lait, planti arapela samting i lait tu na i gat naispela kala. Long nait ol i no gat kala olgeta, bikos ol i no gat lait. Man bilong God i go lait, em i save larim lait bilong em i laitim ol arapela manmeri nabaut long em. Long smail bilong em, na isipasin bilong em, na sore bilong em, em i putim liklik lait i go insait long laip bilong arapela man. Nau ol tu i lait. Sapos man ya i no stap, i olsem ol man nabaut i stap long tudak.

Las tok bilong Sen Pol i go olsem: "Kirap, yupela ol slipman. Kirap long matmat na Kraisi bai givim lait long yupela."

Ating yumi yet i ol dispela slipman, long wanem, yumi no pilim olsem yumi manmeri bilong lait, manmeri i holim lait. Orait, ating glas bilong lam bilong yumi i doti liklik long pekato. Ating wik bilong lait i sotpela tumas.... Ating paia bilong lam i dai pinis. Ating yumi olsem sutlam i gat bateri i kol pinis.... Ating kiau bilong lait i paia pinis.

Orait, nau em i taim bilong Len. Em i taim bilong fiksik ol dispela samting, na mekim lait na lam bilong yumi i wok gut gen. Fiksik pinis, orait, nau yumi go bek long lait bilong Jisas na laitim bek lait bilong yumi na kamap man na meri bilong lait tru, olsem Sen Pol i tok.

Laip bilong Jisas



JISAS I TOK BAI OL I MAS LUKAUT LONG OL MAN I SAVE GIAMAN. OL DISPELA MAN I SAVE HAMBAK LONG MEKIM LONGPELA PRAA BAI AT BILONG MAN I LUKIM OL. NA NAU OL I LUKIM WANPELA KAIN MAN OLSEM I TROMOI BIKPELA MANI LONG BOKIS BILONG TEMPEL.

BIHAIN OL I LUKIM WANPELA RABISMERI, MAN BILONG EN I DAI PINIS, I TROMOI TUPELA LIKLIK MANI. INAP OLSEM IO TOEA.

DISPELA MERI EM I SOT TRU. TASOL EM I TROMOI OLGETA MANI BILONG EN LONG GOD. DISPELA KAIN PASIN I WIN TRU.

DISPELA EM I LAS TAIM JISAS I SKULIM OL LONG TEMPEL. EM I KIRAP I GO NA SINDAUN LONG MAUNTEN OLIV. NA SANPELA DISAIPEL I KAM ASKIM EM LONG OL SAMTING BAI I KAMAP BIHAIN. NA JISAS I TOK BAI GUTNUS BILONG KINGDOM I MAS I GO LONG OLGETA HAP BILONG GRAUN. NA BIHAIN BAI EM I KAM BEK. NA LAS DE BILONG SKELIM NA JASIM OLGETA MAN BAI I KAMAP.

Kristen Buk Melanesia (Box 488, Wewek) i tanim dispela komik i kamap olsem buk bilong ol. Sapos yu laik yu ken baim long ol.

Copyright 1973. David C. Cook Publishing Co. All rights reserved.

Painim Tok I Hait

Insait long dispela pasesel, i gat 15 toktok i hait i stap. Em ol dispela samting yu inap painim long bus. Traim painim ol dispela enimal. **PIK - MURUK - SIKAU - KAPUL - TARANGAU - SNEK - MUMUT - WELPAUL - ROKROK - WELPUSI - BLAKBOKIS - PALAI - KUMUL - GURIA - RAT**

K I P A K I T W D W U A K I S
 P U N I L A S S E Y F R A N K
 M E M W E L P A U L F G H D U
 U E R U A M Y B D K P Y T K A
 R O P A L A I S R W F U U E G
 U R M S A H U O M L M D S B N
 K E L U P A K L A T G U R I A
 S G G G E R S F U S N R T F R
 A O J Y O F S M D A P I N I A
 B L A K B O K I S E N G R A T
 W A R T O V O A T I T A R A K
 U K U L M I C H A E L S E E K
 S A H X Q V Y N W N E R N S S
 A D O R C A S L E I L S G E R
 T R U D E H O E R L E R A N F

Tok Pisin Poetri Senis Klostu Klostu

Gutpela abinun tru na
 San i go daun na
 Win i slek daun, na
 Si i slip sore tru, na
 Mi sindaun, lukluk na mi sore tru.

Ol kanai i hetwin
 I go daun long si klostu klostu na
 Traim hat tru long painim abus
 Bilong strongim bel long nait
 Ating ol i sotwin, tasol ol i traime hat yet
 Mi lukim na mi sore tru.

Klaut i wokim ol kain kain
 Gutpela piksa long skai, na
 Lait bilong San i penim kala
 Long klaut na salim mak
 I go daun long pes bilong si na
 Ples i luk klostu olsem Heven yet.

Tasol kuiktaim tru long Not sait,
 Bikipela pairap i kamap na
 Planti klaut i bung bun na
 Ples i wok long karamap long tudak.
 Kol i holim skin bilong mi,
 Na mi bel guria na wari tu.

Mi lukluk yet - ol kanai i ranawe.
 Si i no moa i stap isi
 Win i ran strong nau na
 San i kisim bek lait bilong en
 Win i mekim biknois long bus,
 Na tromoi bikipela si long nambis.
 Long antap klaut i pairap moa yet,
 Na sakim ren na ren i pundaun,
 Laitning i laitim yelopela lait,
 Namel long bikipela klaut na klau
 I pairap moa yet - bihain laitning, na

Mekim graun mi sanap long en i guria.

Ren na kol win i no pilai long mi
 Ol i mekim mi luk olsem, nau tasol
 Mi kam aut long swimming pul,
 Tasol pret bilong mi i mekim
 Mi lus tingim dispela ren na kol
 Hariap tumas mi painim hau bilong mi.

Pren bilong mi i mekim mi
 Wokim bet klostu long paia.
 Mi stat long beten, tasol
 Mi no pinisim beten bilong mi
 Tingting bilong mi i paul pinis
 Na mi ting tude em i las dei.

Neks moning nau - we?
 Nogat strong win moa.
 Si i no raf long nambis.
 Klaut i no pairap moa
 Laitning i no tromoi lait moa
 San i sanap na samil gut tru long skai

Mi tingting i go tasol
 Tingting i sot long rot
 Dispela ol samting i save senis
 I go i kam klostu klostu na tu,
 Mi no holim gia bilong ol.
 Bai mi tok wanem.
 Taim ol i senis i go long laik.
 Na laik bilong ol yet
 Nogat man nating inap tru
 Long senisim kos bilong ol
 Sore, ating i no longtaim nau

Bai ol i pinisim mipela no?

Bob Matei



BIPO, bipo tru long taim bilong ol tumbuna i bin gat wanpela man i go painim pis.

Dispela man i lusim
 ples long biknait na em i
 karim spia na wokabaut
 tasol arere long nambis i
 go long bik nait tru. Na
 dispela taim tu em i taim
 bilong trausel. Na planti
 trausel i go antap long
 wesan long biknait long
 putim trausel.

Man ya i wokabaut i
 go long tanim trausel.

Man I

Na em i painim planti ol
 liklik trausel na tanim
 ol.

Orait em i pasim lek
 han bilong ol long rop
 na pasim ol long wan-
 pela hap stik na em i
 karim ol trausel ya i go
 bek long ples.

Em i no moa tingting
 long painim pis nau
 long wanem em i painim
 planti trausel tru.

Narapela nait gen
 man i go bek long
 nambis na em i mumu-
 tim gut tru ol trausel na
 karim ol i go long ples.

Em nau planti pipel
 long ples i harim olsem
 ol trausel i kamap na i
 save go antap long,
 nambis long nait.
 Olgeta pipel i kapsait
 nau long painim trausel.

Tasol ol i painim wan
 wan tasol. Long
 wanem ol i planti tumas
 na ol i no inap kisim
 planti trausel.

Olgeta taim ol i
 mekim olsem inap
 klostu wan mun olgeta
 nau.

Tasol ausait long bik
 solwara long wanpela
 viles i stap aninit long
 solwara i gat ol trausel i
 save stap. Na ol bikipela
 mama trausel i wok long
 wari i stap long wanem
 ol yangpela meri trausel
 i save go antap long
 nambis long kisim win
 na ol i no save go bek
 nau long ples.

Ol pipel long ples i
 save painim ol na kisim i
 go na kaikai ol. Na
 dispela taim ol mit
 bilong trausel i sting
 nating long ples. Bihain
 long ol pipel i kaikai mit
 pinis ol i save tromoi
 bun i go bek long
 solwara.

Wanpela de wanpela
 bun bilong trausel i go
 kamap long ples bilong
 ol trausel aninit long
 solwara. Longtaim ol
 trausel i lukim olsem ol i
 wari nogut tru. Orait ol i
 singautim olgeta trausel
 i go long wanpela
 bikipela kibung tru nau.

Ol i makim wanpela
 bosmeri trausel long i go
 wantaim ol arapela
 yangpela meri trausel.
 Em nau ol i go sindaun
 long nambis i stap.
 Dispela ol trausel i laik
 painim aut watpo na ol
 arapela trausel i no save
 go bek long ples. Planti



Man Bilong Mi

Man bilong mi em husat?
 Em i wanem kain man?
 Mi! mi safe pinis!
 Mama yu maski

Hey mama! yu harim?
 Yu tok wanem?
 Yu tok! yu safe pinis?
 Yeah! Mama yu maski
 Nogat sem bilong yu

Mi laikim yupela man
 Mi laikim smatpela man
 Mama! Yu safe nau?
 Maski nau, yu lus pinis.

Pukpuk man na grille man
 Has tanket man na kumampu man

Mi no laikim em!
 Yeah! Mi no laikim em!
 Mama! Mi tok yu lus-tru-ya.

Yu tok, em bilong mi
 Em tok, em bilong mi
 Yu tok, mi bilong em
 Em tok, mi bilong em
 Yeah! Em i nogat save

Mi laikim soldia man
 Mi laikim Polis man
 Mi laikim man i gat namba
 Em i man bilong mi

Leo Kraromo,
 Woks & Saplai, Wewak.



80-46-98
 17-66-30

85-58-4
 34-39-77

14-70-49
 51-21-50

92-80-25
 68-59-9

0-69-73
 43-20-89

Pilai i go olsem makim wanpela namel long ol 6-pela namba aninit long I naNaG na O Mipela helpim yu na makim pinis namba 29 aninit long B. Tingting gut - makim na salim i kam long: Wantok Bingo - Box 1982, Boroko. Hariap salim kwik. Resis ya bai go inap long 4-pela wik. Sapos i nogat wina man i klostu long win bai kisim K10.

Nem: _____
 P.O. Box: _____
 Taun: _____

Kamap Trausel

handet trausel i lus pinis na ol i no save wanem samting i kamap long ol.

Long taim ol meri trausel i sindaun i stap long nambis ol i lukim wanpela man tasol i wokabaut na painim trausel i kam. Taim em i go klostu ol yangpela trausel husat i bung i stap long wanpela hap i lukim em na isi tasol ol i ranawe i go daun long wara.

Man ya i wokabaut gen i go kamap long we bosmeri trausel i sindaun i stap. Ol yangpela meri trausel ya i wet i stap klostu long harim wanem kain toktok em bai mekim long man ya.

Man ya i go na lukim bikpela bosmeri trausel i sindaun i stap. Em i ting olsem wanpela hap diwai stret. Man i wokabaut i go na bamim lek bilong em.

Na trausel i kirap na tokim man ya, "Hey yu no lukim mi sindaun na yu wokabaut longwe liklik?"

Man i harim dispela na em i kirap nogut tru. Em hariap tasol i kisim spia nau log sutim trausel. Taim trausel i laik tokim man ya sampela moa toktok nogat, man ya i guria na pret. Na hariap tasol em i sutim trausel log wanpela hap bilong lek bilong em.

Tasol baga ya i no dai. Hariap tasol ol trausel i wet i stap long wara i ran

i kam antap long nambis na holim pasim dispela man. Man i ting bai em i ranawe, tasol nogat. Ol trausel i pasim lek han bilong em pinis na putim em antap long baksait bilong bikpela bos trausel tru ya na karim em i go aut longwe tru long biksolwara. Na ol i go daun aninit long ples bilong ol.

Ol i tokim man ya long no ken pret long wanem bai ol i no inap long kilim em.

Ol meri trausel tasol i stap long dispela ples. Ol kisim em i go daun na givim kaikai bilong ol na man ya i tanim i go olsem man trausel olgeta.

Planti yia i go pinis nau na dispela man husat i bin tanim olsem man trausel i bin maritim wanpela yangpela meri trausel. Na ples ya i gat ol man trausel tu.

Wanpela de nau dispela lapun man trausel i laik go painim olpela ples bilong em. Na em i go bek antap long wara na i go sindaun long nambis i stap na em i lukim wanpela man wokabaut i kam.

Long taim man ya i kam klostu tru trausel man ya i singaut long em. Na em i kamap olsem man tru.

Man tru ya i lukim na em i kirap nogut na i



tokim trausel man, "Mipela i lus tingting olgeta long yu. Yu dai pinis na nau yu kamap olsem tewel."

Na trausel man i tok, "Nogat. Mi toktok long yu olsem trausel man."

Na em i stori long man tru.

"Mi no inap senis gen long wanem mi gat pinis blut bilong trausel olsem na mi no inap senis nau."

Na em i tokim man ya, "Nau yu harim tok bilong mi. Mi laikim yu mas bekim dinau. Sapos wanpela trausel meri i kam orait, yu mas pasim lek han bilong em na kisim em i go long ples. Tasol yu no ken kilim em."

"Yu mas givim kaikai bilong yupela long en, Pastaim mekim singsing long ol dispela kaikai orait, bihain givim i go long em. Na

long nait dispela trausel bai kamap meri tru.

"Mi yet bai kisim em i kam. Dispela trausel em pikinini bilong mi. Yu mas lukautim em gut na em bai kamap meri bilong yu."

Narapela nait lapun trausel i kisim bikpela pikinini meri bilong em na i go bek long dispela ples long nambis em i bek makim long en. Papa trausel i lukluk i stap na man tru ya i kam holim pasim pikinini bilong em nau na pasim lek han bilong em.

Meri ya i sindaun krai long papa bilong em, tasol papa i tokim em olsem em bai kisim ples bilong em long ples. Na em i ken stori long ol pipel long ples long dispela ples bilong ol long biksolwara.

Papa i wari long pikinini bilong em. Na em i sindaun lukluk i

stap nau na man ya i karim trausel i go. Na papa trausel i go daun long wara na i go bek long ples aninit long solwara.

Bihain man tru ya i go long ples na em i bihainim olgeta samting em trausel man i bin tokim em long mekim. Bihain long nait nau yangpela trausel meri i kamap meri tru.

Em nau man ya i maritim em na bihain ol i gat ol pikinini.

Bihain ol pipel i painimaut long stori tru long meri ya. Na ol i save olsem papa bilong em i kamap trasel a nau i stap aninit long solwara long ples bilong ol trausel.

William Sabien, Wewak.

i kam long pes 5

Ol i bin go long Nu Silan, Westen Samoa na Fiji. Ol bai lukluk raun long Lae na Mosbi na bai ol i lusim PNG na go bek long Peking long 1, Epril.

Ol meri i makim ol wimens grup long Pot Mosbi, Gavana Jeneral, Sir Kingsford Dibela na meri bilong em, Foren Minista, Mista Namaliu, Mis Josephine Abajjah i bin stap insait long dispela pati.

Tasol Nesenel Kaunsil ov Wimens i no bin givim liklik presen long ol dispela 4-pela meri bilong

Saina. Tasol Eksekutiv Opisa, Misis Nelly Lawrence i tenkyu long ol meri ya long ol i givim long NCW.

Ol Saina Wimens Fedresen i bikpela lain grup tru. Na i gat ol kain Dipatmen insait long en. Na i gat moa long wan tausien (1,000) wokmeri long en long hetkota bilong ol long Peking.

I gat Provinsal Fedresen tu. Long hetkota long Peking i gat Intanesenel Liaison Dipatmen, Nesenel Pipels Kongres, Eksekutic Komiti, Standing Komiti na i gat arapela moa i stap.

WORD

SURPLUS OVER REQUIREMENTS
12 MONTH OLD NISSAN DATSUN LAUREL IN FABULOUS CONDITION—AUTOMATIC, TINTED WINDOWS, ONLY 18,000 KMS ON THE CLOCK. COSTS K13,600 NEW
— FIRST OFFER OVER K6,499 ACCEPTED.

- * STEREO RADIO AND CASSETTE.
- * AUTOMATIC BURGLAR ALARM.
- * FULL AIR-CONDITIONING.
- * ELECTRIC WINDOWS.

inspection can be arranged by ringing

DISTRIBUTION MANAGER
PH: 25 6151

Namba wan samting em i gutpela helt long olgeta famili.

Famili i gat gutpela sindaun bai i hamamas. *Johnson & Johnson* i gat olgeta samting bilong mekim famili bilong yu helti na lukim gut.



Johnson & Johnson



LOS ENJELS - AMERIKA 18 MAS - Lu Wei bilong Saina i bin kamap namba tu long taim ol i resis long wokim kain stail kalap i go daun long swimming pul. Dispela resis i bin kamap long Olimpik Swim Stedium long Yunivæsiti bilong Saten Kalifonia.




BERUT - LEBANON 19 MAS - Ol dispela paitman i wok long paia long wanpela mota gan long taim ol i pait long Is hap bilo bilong Beirut siti. Wanpela man i bin dai na 20 arapela pipel i bin kisim bagarap long dispela liklik pait namel long ol soldia ya.

WOL NIUS



WASINGTON - AMERIKA 19 MAS - Ling Ling i slip i stap long graun na man panda Hsing Hsing i sanap i stap. Tupela ya i save stap insait long Nesenel Zoo. I no longtaim i go pinis ol dikta i bin katim Ling Long na stretim ol bagarap insait long bodi bilong em.



FUKISHIMAZ, JAPAN 19 MAS - Dispela em i poto bilong bikpela pawa faktori long Fukshima, Japan. Nem bilong dispela pawa faktori em Fukushima 11 na em i las nuklia pawa faktori long kamap long Japan i gat 25 nuklia pawa faktori nau.

BEIUT - LEBANON 17 MAS - Wanpela soldia i wok long ranawe wantaim gan bilong em long strit bilong Beirut. Pait i bin stap pinis tasol sampela lain i wok long sut yet long ol birua bilong ol long dispela hap.



TORONTO - KANADA 18 MAS - Agapito Aquino, em brata bilong Oposisen lida bilong Filipins Benigno Aquino Agapito Aquino i sanap toktok insait long wanpela bung we ol i bin toktok long ol trabel i wok long kamap long Filipin. Em i wok long raun nau long hap bilong Kanada na Amerika long kisim sapot long ol pipel husat i sapatim lain Oposisen insait long kantri bilong em.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.